

順直省議會第三屆第二期常會文牘類要

順直省議會

文牘類要

中華民國十二年六月

天津公園內教育印書處印



順直省議會第三屆第二期常會文牘類要目次

公文類

咨請省長京兆尹各都統依法召集開會文

咨直隸省長 熱河都統 察哈爾都統開會展期文

咨京兆尹 察哈爾都統報告開會日期並請蒞會文

咨省長議員阮文允病故依法以賈聯陞遞補請給証書文

咨報省長王議員石卿病故請遞補並發証書文

咨請省長速交十年度決算文

咨省長檢交井陘鑛務局舊合同並關於該局沿革案卷文

咨請察哈爾都統尅日送交十一年度預算案文

咨省長迅速按照日期將收支各款劃清界限填寫送會文

咨省長報告張議員廷諤辭職請依法遞補文



咨請省長請將凡不隸屬於財政廳收支各款查明開單送會文

咨省長議員戰維馨病故以夏荊峯遞補請給証書文

咨報省長吳議員樹森病故請遞補並發證書文

咨報省長議員馬遇葵病故請遞補並發証書文

咨報省長議員馬鎮桐出缺應以路魁昌遞補請發証書文

咨報省長議員張炳麟病故請依法遞補文

咨報省長議員賂景沂病故請依法遞補文

咨直隸省長 熱河都統本會本屆常年會延期二十日文

咨催省長凡不隸屬於財政廳之收支各款開單送會文

咨報直隸省長 熱河都統本會本屆常年會閉會文

咨京兆尹送回前送之十一年度地方歲出預算書文

咨京兆尹 察哈爾都統速送十二年度地方歲入出預算書及各機關概算分册文

咨催省長迅速詳細咨復撤消安國縣牙紀局案文

咨催省長速覆取消安國牙紀局案文

咨催京兆尹迅送八九十年年度決算案文

咨催省長限於四月一日以前咨交籌辦石家莊紡紗廠案文

咨催省長

開辦礦產購價購回  
買回全盤電燈車路

兩案限於四月一日以前交會審議案文

咨催省長速復請將各縣雜項收入數目登報公布並送會審議案文

咨催省長速復查辦前大清河局長冉浚雲案文

咨催省長速復撤消礦墾收植局暨查辦該局長徐德源兩案文

咨催省長速復委查井陘礦局全年應得利益開送本會列入預算以便議

定用途案文

咨催省長速復查催啟新洋灰公司歷年欠解報効案文

咨催省長關於礦墾收植局四案從速咨復文

咨催京兆尹速復提議及請願等五案文

咨催熱河都統分別速復興業銀行仍照部章辦理等案文

咨催省長分別迅覆王彝銘請撥款修堤等案文

咨催省長分別迅覆咨復金華橋各項款目應從速結束交會備查等案文

咨催察哈爾都統分別迅覆取消統捐各項以蘇民困等案文

咨催省長分別迅覆王貴等請撤查陽原縣知事等案文

咨催省長分別迅覆裁撤商品萃賣場等四案文

咨催熱河都統速送十一年度預算案文

咨催省長分別迅覆取消通益公司及取消滄獲四處統稅局案文

咨請省長再嚴行查禁華商賽馬會開賽文

陳請類

咨請省長豐潤縣潘國恩等請嚴令豐潤縣禁止旗地增租奪佃以恤民隱

文

咨行省長正定縣張應霖等請轉飭財政廳令正定縣查明滄石路佔用民

地按糧減免差徭文

咨省長遵化縣商會請設法撥還過軍墊款文

咨各縣商民代表董如楣請取消滄獲唐臨四處統稅局文

咨省長陽原縣王貴等請將該縣知事撤任查辦以重民生文

咨省長涞源縣賈元章等請詳訂鑛墾牧植局章程文

咨省長遵化縣公民馬獻雲等請設法救濟支應毅軍過境墊款文

咨肥鄉縣公民李蔭桐等請撤任查辦該縣知事漸職殃民文

咨棗強縣公民韓新文等請撤任查辦該縣知事違法瀆職縱匪殃民文

咨省長灤縣耿恩波等爲煙葉包商舞弊請按斤收捐文

咨熱河都統邱鳳翔等請增加教育經費文

咨省長楊森等請澈查安新縣知事文

咨省長公民黃本立請澈查奸商盜賣國土文

咨省長李曾憲等請准用銀糧償還陸軍墊款充作警學軍費文

咨省長灤縣古冶鎮各商號請撥款撫恤潰兵搶掠損失文

咨省長夏恩濤等請澈查容城縣知事文

咨省長張均等請撤辦陽原縣知事文

咨省長寧河縣劉宗誠等請飭縣轉知當商照法計利文

咨省長寧津縣張嘉會等請飭縣剔除弊政文

咨省長遷安縣王翊臣等請遵照省令牲畜稅以三分抽收文

咨省長任邱縣李維珍等請軍用墊款准作正開支文

咨京兆尹梁紹先等請查撤紙商經紀文

咨省長張清潤等請轉令汪紳鐵松專辦撫寧警備文

咨省長安新縣張子英等請查辦該縣知事文

咨省長遷安縣朱書閣等請減取豬稅文

咨省長劉玉卿等請飭令教財兩廳迅速籌設省立第七師範學校文

咨省長東光縣馬樹藩等請查辦該縣知事文

咨省長臨榆縣張修身等以聯峯山警察署長溺職殃民請撤查文

咨省長沙河縣公民閻金玉等請查追該縣前任知事湯銘彝私吞公款文

咨省長靈壽縣公民朱子碩等請將匪人馬延起等飭縣嚴緝懲辦文

咨察哈爾都統澈查興和縣興業分行基金停發紙幣實行兌現文

咨省長玉田縣王彝銘請撥款修堤文

咨省長易縣自治預備會長陳雲官請禁軍隊在易購草文

咨省長新河縣郭瀛洲等請籌設深冀正趙定五處師範學校文

咨省長高邑等縣代表秦激海等請轉咨巡使嚴禁軍隊強購馬草文

咨察哈爾都統興和縣商會特別會董張耀樞請取消非法訓令恢復會長

名義文

咨省長清苑縣石之才請查追前任知事陳樹楷吞款文

咨省長內邱縣李獻廷等請查撤該縣知事文

咨京兆尹寶通蒞三縣張丹忱等請停旬刊以該縣用款改設初級中學文

咨省長無極縣公民劉士俊等請於自治款項內先撥大錢一千吊充作自

治講習所經費文

咨省長易縣趙子鈞等請撤銷礦墾牧植局文

咨省長大城縣馬叙堂等請查辦該縣知事文

咨省長蔚縣王守忠請裁撤礦墾牧植局文

咨省長樂亭縣王正升請令縣知事等造報司法監獄表冊文

咨省長涿涿房三縣代表張星樓等請停止紫荆關開山挖溝文

咨省長饒縣李式魯等請轉咨查辦警佐溺職殃民文

咨省熱河都統長遷安縣龐雨潤等請將攤墊兵費作正開銷並禁止毅軍需索文

咨省長師範畢業生劉叔謙等請撤換校長文

咨省長遷安縣李元亨等請照章征收菸葉稅文

咨省長西陵世英等請生計地仍歸領戶耕種並裁撤礦墾牧植局文

咨豐潤縣公民張鏡等請裁免磨捐文

咨省長荊可恒等請設立直隸產業公會文

函電類

致各議員到會並告展期函

致本會各議員請屆期早集會場函

致直隸警務處長請飭撥軍樂隊函

覆古冶林西開灤礦工友俱樂部請願書函



覆上海南洋交通大學學生田成文等請給官費請願書函

致省長於本月十三日下午派員蒞會函

致全會委員會委員長暨各委員會委員長理事委員就職函

致教育廳將河北大學成立時經費原案送會函

致省長請派員說明交議案詳情函

致熱河都統派代表接洽七厘公債暨欠款函

致省長對於井陘礦務局改辦案從緩簽字派局長說明迅送卷宗函

致財政廳檢交鹽業銀行借款合同賑災公債文卷各機關十一年度預算

細冊函

致直隸財政廳預選專員屆時電邀到財政公開特別會以備諮詢函

致省長另派委員到會出席說明金華橋移設北大關及金鋼橋橋價暫由

銀行息備兩案情節函

致省長京津馬路案廂書面答復函

致省長省銀行墊借臨礦上海欄杆公司款案用書面答復函

致財政廳將天津工巡捐務處十年度取捐底冊及章程於三日內函送到

會函

致財政廳檢送本省新舊債款合同並各項募債案卷函

致教育廳將現在領用省款各校學生班數人數於三日內函送到會函

致工業試驗所將月報細冊送會函

致警察廳凡關於金華橋及金鋼橋兩案卷宗迅速送會函

致財政廳限三日內將恒源紡紗公司每年所得紅利總數送會函

致本會各區同人每區推舉一人於下次開會前開單送會函

致京兆尹送還金庫券案卷一宗函

致財政廳送還

賑災公債券  
建築銀行合同函

致工業試驗所送還預算細冊函

致警察廳送還金華橋金網橋兩案卷宗函

致直隸財政廳送還各項債款各卷函

致財政廳送還十年度預算分冊函

致財政廳送還十一年度預算分冊函

復京兆尹送還十一年度地方歲出預算書并索還國家歲出預算書函

致實業廳調取開灤礦局合辦合同暨該礦章程函

覆駐滬順直會館董事請提倡收回開灤煤礦函

覆財政廳各機關預算分冊暨清單均收訖函

覆昌黎縣公署張炳麟病故出缺本會已咨請省長依法遞補函

致大總統國務院參衆兩院報告開會日期郵電

致各省督軍省長咨議會報告開會日期郵電

致巡閱使報告開會日期郵電

致大總統國務院交通部反對郵件及書籍郵費加價電

致北京大總統參衆兩院反對皖省長許世英改選省議會電

覆安徽省議會反對皖長許世英改選省議會電

致熱河都統速交民國十及十一兩年度預算郵電

致京兆尹速送民國八九十等年度決算十及十一兩年度預算郵電

致京兆尹限五日內來會說明發行金庫券詳情郵電

致大總統國務院參衆兩院本會迭遭假借順直同鄉會等誣讒擬在法庭

訴追電

致大總統請依法嚴辦羅案電

致參衆兩院各省議會請依法嚴辦羅案郵電

致大總統國務院參衆兩院各巡閱使各督軍省長省議會本會本屆常會

延期二十日郵電

致大總統國務院參衆兩院各督軍省長省議會各報館請一致主張嚴懲羅文幹等通賄禍國郵電

致大總統國務院參衆兩院直魯豫巡閱使省長報告順直同鄉會誣讒本會名譽電

致參衆兩院爲辯明順直同鄉會誣讒本會名譽郵電

致直魯豫巡閱使直隸省長爲辯明順直同鄉會誣讒本會名譽郵電

致京兆尹催送十一年度京兆區國家歲出入預算案並八九十年年度決算案電

算案電

催京兆尹速送十一年度國家歲出入預算暨八九十年年度決算郵電

致平泉興業銀行仍將原款匯津電

致大總統國務院參衆兩院各巡閱使督軍省長省議會本會本屆常年會

閉會電

致大總統國務院請取消龍烟鐵礦抵押借款電

通告否認以龍烟鐵礦抵押借款並請一致力爭郵電

復雲南唐寅庚四川省議會一致力爭片馬電

復青島

膠濟商學堂  
青島市自治籌備會

一致爭撤日警郵電

請一致主張收回旅大郵電

復

中華留日學生旅大收回後援會  
吉林省教育會

一致爭回旅大電


請力爭青島撤退日警郵電

通告全國力爭片馬郵電

力爭廢止二十一條通電

致各縣力爭廢止二十一條郵電

反對金佛郎通電



咨請省長京兆尹各都統依法召集開會文 民國十一年十月七日

爲咨請事查省議會暫行法第二十二條內載常年會每年一次由省行政長官召集之等語現擬於十月二十日舉行常會謹依省會法第二十二條之規定咨請召集除分咨外相應咨請貴<sup>省</sup>京兆尹<sup>都</sup>查照希卽依法召集以便屆期開會議決各省區緊要事件實爲公便此咨

直隸省長王 爲咨復事准來咨擬於十月二十日舉行常會囑卽依法召集等因除咨部備案并登報布告分令直隸各縣通知在籍議員先期來津外相應咨復查照再京察熱三區議員業由貴會分咨召集自無庸再由本署分咨合併聲明此咨 民國十一年十月十六日

京兆尹劉 爲咨復事案准貴會咨開云云(原文見前)等因准此業經本公署令飭屬縣轉行各議員知照在案相應咨覆請煩查照此咨 民國十一年十月十八日



咨

京兆尹  
商隸省長

熱河都統  
察哈爾都統

開會展期文  
民國十一年十月二十日

爲咨明事本會十一年常會前擬十月二十日開幕業咨准召集在案惟現已屆期報到議員尙未過半數依省議會暫行法第二十四條之規定未便卽行開議茲擬展至十一月一日再行依法開會除分咨並函催各議員屆期務各到會外相應咨明貴

省尹  
兼統

請煩查照此咨

咨<sub>咨</sub>報<sub>報</sub>告<sub>告</sub>開<sub>開</sub>會<sub>會</sub>日<sub>日</sub>期<sub>期</sub>並<sub>並</sub>請<sub>請</sub>咨<sub>咨</sub>文<sub>文</sub> 民國十一年十月二十日

爲咨請事案查本會十一年常會前准召集於十月二十日開會嗣以屆期報到議員未過半數咨明展期至十一月一日在案現查報到議員已足法定人數即照前咨於十一月一日上午十鐘行開會式除分咨外相應咨請貴<sub>咨</sub>會<sub>會</sub>宣<sub>宣</sub>布<sub>布</sub>政<sub>政</sub>見<sub>見</sub>以<sub>以</sub>資<sub>資</sub>教<sub>教</sub>益<sub>益</sub>並令飭各行政官一體遵照實<sub>實</sub>級<sub>級</sub>公<sub>公</sub>誼<sub>誼</sub>此<sub>此</sub>咨<sub>咨</sub>

附錄察哈爾都統覆代電

天津順直省議會鑒准咨敬悉十一月一日貴會行開會式亟應前往與會藉聆教益惟大咨到日已逾開會日期不及前往嗣後關於地方興革利弊諸端自應隨時咨請公決合電查照張錫元魚印 民國十一年十一月九日

附錄京兆尹覆函

逕覆者案准貴議會咨文內開云云〔原文見前〕等因准此查本月一日爲貴議會十一年常會開會日期本應於是日親赴貴議會躬與開會儀式藉聆教

益惟以貴議會咨文到署較遲是以未得如期到會殊深歉仄現在各縣冬振  
冬防亟須籌辦事務繁賾不克分身除特派本署內務科長張肇隆代表到會  
外相應函復貴議會請煩查照屆時與該代表接洽一切爲盼此致

民國十一

年十一月二十七日

咨省長議員阮文允病故依法以賈聯陞遞補請給証書文

民國十一年十

月三十一日

爲咨請事案查本會議員阮文允曾於九月二十六日病故當經阮故議員家屬函報到會旋據本會議員張鏡淵房喆等聯名函稱查第十一區議員阮君文允業已在津病故依法應儘本區蔚縣賈君聯陞遞補該員現已到津卽希轉爲請給証書俾伊速行到會等情証明前來查省議會暫行法第七條載議員因故出缺時以本區候補議員當選人名次表之列前者遞補之等因據此該區阮議員既因病出缺自當速行遞補以便議席無缺相應咨請貴省長查明該區候補當選人名次依法遞補並將應給議員証書卽祈繕交本會轉給以免周折實爲公便此咨

直隸省長王 爲咨送事案准貴會咨開云云「原文見前」等因准此本省長覆查無異除令行賈議員聯陞原籍蔚縣知照外相應繕具証書咨送貴會查收

轉給此咨 民國十一年十一月十日

計咨送証書一紙

咨報省長王議員石卿病故請遞補並發証書文 民國十一年十一月十七日

爲咨請事項據本會議員趙允協榮植芹等聯名函稱京兆薊縣議員王石卿於夏歷九月初三日因病身故查候補第一名安迪生應行遞補等情到會查省議會暫行法第七條內載議員因故出缺時以本選舉區候補當選人名次表之列前者遞補之等語現在王議員病故出缺當迅速遞補以重議政相應咨請貴省長卷查該選舉區候補當選名次表依法遞補填寫証書就近咨交本會轉給以省周折一面分令各縣查照備案至紉公誼此咨

直隸省長王 爲咨復事案准貴會咨開云云「原文見前」等因准此本省長覆查無異除咨明京兆尹查照并轉飭安議員廸生原籍香河縣知照外相應繕具證書一紙咨送貴會查收轉給此咨 民國十一年十月三十日

計咨送證書一紙

咨請省長速交十年度決算文 民國十一年十一月十七日

爲咨請事案查民國十及十一兩年度地方歲出入預算冊業准先後咨交在案茲查十年度已經屆滿所有該年度決算冊急應早日送會以憑參攷緣本會會期止六十日誠恐移交稍遲辦理難期竣事爲此咨請貴省長迅將民國十年度決算冊迅飭編製妥協尅日咨交以憑審議實緝公誼此咨

直隸省長王 爲咨復事案查前准貴會以民國十年度已經屆滿所有該年度決算冊請飭迅飭編製咨交審議等因當經轉令財政廳遵辦去後茲據復稱查各年度地方決算本廳向係於年度終了之後省會常會以前編製完竣呈咨審議從未稍有愆期惟決算爲考核歲計實況必須一年度收支款項已有結束始能着手自本年戰事發生奉提奉墊之欸爲數過鉅杼軸告空來源告竭三月以後應支各項政費積欠日久未能照發廳長到任竭力籌措備歷困衡教育費一項現在甫經發至七月分此外各機關經費十年度內經費尙

多未能如數籌撥省會審查決算向以分冊爲根據各機關既未領到經費分冊勢難造送本廳因無力卽行清發欠款故未便遽行督催以致十度地方決算至今無從編製此實爲事實所限確因有特別情形與往歲情事不同非敢有意濡滯奉令前因除教育費業經支撥應造決算當卽分別行催外仍一面由廳盡力設籌將十年度內其他各機關應支經費從速補發一俟分冊到齊立即彙辦呈送以憑交議倘萬一因補發需時決算未及依期辦竣惟有俟明年歲省會開會時再行呈咨議決以符手續理合先行據實呈復伏祈鑒核轉咨等情前來相應據情咨請查照此咨

十一年十二月十五日



咨省長檢交井陘鑛務局舊合同並關於該局沿革案卷文

民國十一年十

一月十七日

爲咨請事案准貴省長咨交直隸井陘鑛務局改辦合同請查照備案一案本會  
卽提付大會公議交股審咨期得眞象所有井陘鑛務局舊有合同暨中德協約  
並關於該局沿革一切案卷卽請檢齊送會以資參考爲此咨請貴省長查照檢  
交爲荷此咨

直隸省長王 爲咨覆事案准貴會來咨請將井陘鑛務局舊合同暨中德協約  
並關於該局沿革案卷檢齊送會等因准此相應照抄上列各卷咨送貴會參

考此咨 十二年十二月四日

計咨送抄卷一册 清單一紙

咨請察哈爾都統尅日送交十一年度預算案文 民國十一年十一月二十五日

爲咨請事案查本會重要職權首在議決省區預算及決算且手續繁難非早日咨交到會辦理未易竣事茲查貴區應交十一年度預算僅係警察廳一部本會無具體根據從何議起現本會已開會多日倘再延遲恐會期以內不能竣事要案久懸殊屬非便爲此咨請貴都統迅將十一年度預算編造表冊尅日送會以憑審議實爲公便此咨

察哈爾都統張 爲咨送事案查前准貴會咨請將十一年度預算編造表冊送會審議等因到署當經令行財政廳迅速編造送署以憑轉咨在案茲據財政廳廳長余詒呈稱案奉鈞署第一七一號訓令內開准順直省議會咨開云云〔原文見前〕等因准此合亟令仰該廳遵照迅將本區十一年度地方預算表冊查案編造齊全送署轉咨勿延此令等因奉此遵將十一年度區縣地方收支預算分別款目彙編成冊備文呈查謹呈鑒核俯賜轉咨計呈送十一年

度區地方歲出入預算書各一本十一年度縣地方歲出入預算書各一本等  
情據此除指令外相應檢同原送預算書咨送貴會請煩查核施行此咨 民國

十二年一月十五日

計咨送察哈爾十一年度

區地方歲出入預算書各一本  
縣地方歲出入預算書各一本

咨省長訊速按照日期將收支各款劃清界限填寫送會文 民國十二年十二月六日

爲咨請事案准省長咨覆議決財政公開一案並附送各款清冊等因到會當經  
提付大會公決交由特別委員審查茲據該委員會報稱按照咨送九十年收  
支各款及十一年度預算與所負新舊債款各清冊逐細考核反覆鉤稽其於本  
省已過去之財政狀況及現在拮据情形雖可略悉梗概惟欲將外欠外各數  
兩相抵銷到底是盈是虧僅憑咨交清冊仍難考得真相果如爲澈底之清查必  
將全省收支各款嚴定界限截清日期庶幾易於著手請查照後開各項咨請省  
長卽速填送到會以憑審議所有應查各款列左

一關於收入各款截至省長到任之前一日止新舊積欠共有若干

二關於支出各款截至省長到任之前一日止欠發若干新舊債務若干

三截至省長到任之前一日止本省有無墊付中央軍政費若干及中央積欠本

省經費若干

四截至省長到任之前一日止截留中央之款係何種類截留若干計共截留若干

據上列各節該委員會所稱委係核算財政最切要之計畫相應咨請貴省長迅速查照填送無任盼禱此咨

直隸省長王 爲咨復事案查前准貴會以清查本省外欠外各數必將全省收支各款嚴定界限截清日期庶幾易於着手開列應查各款咨請填送審議等因當經令行財政廳遵辦去後茲據呈稱查本廳所管財政係屬全省公帑關於歲計之結束向係根據庫賬以會計年度爲起訖與最高行政長官之更替任期係屬兩事若照原咨內開辦法從鈞座接任之前一日劃一界限推究以前財政盈虧之數其時庫賬未有結束按之事實上實屬無從核辦詳釋原咨意旨蓋欲就新舊任期之截清作一種審計之段落藉悉盈虧之真相冀爲澈底之清查所列應查四項以普通名詞括之不外乎欠外及外欠兩端但期

足資審查似不妨稍從便利竊查曹前省長交卸正在十年度終了之後鈞座  
接任適在十一年度開始之時是會計年度之結束與新舊任期之劃分大致  
不相上下茲擬變通辦法將所有外欠外各款截至十年度爲止查明各有  
若干作爲一大界限則盈虧之數亦可瞭然查截至十年度止外欠各款除煩  
瑣套搭之款一時未能核計外舉其大者如開灤鑛局欠繳稅厘報效等款一  
百九十一萬九千六百餘元又該局繳存抵解欠款之部發國庫證券未能領  
取之款八十五萬五千餘元其應由中央撥還者一爲墊付九年直奉戰役軍  
事各費二百六萬七千一百餘元一爲墊付本年直奉戰役軍事各費細數尙  
未核明約計爲二百六十萬五千四百餘元中央積欠本省之款則爲歷年代  
陸軍部墊發郵金屢經呈請迄未發還者共計十二萬四十元又京兆應攤省  
會經費除已解外尙欠解六萬三千三百餘元其他中央直轄各機關政費既  
不在本省支出範圍有無欠發無從詳悉至欠外各款如軍費一項因遞年積

欠過鉅碼難逐月清算截至十年度止約計欠發二百七十餘萬元各機關行  
政費計共欠發四十萬七千三百餘元各學校教育費計共欠發二十八萬三  
千六百餘元至新舊債務前已造冊送核茲再將截至十年度止應付息欸一  
併計算計共爲一千四百八十九萬一千一百餘元此外尙有應解中央專欸  
以庫儲奇絀數年以來未經照解共計積欠八十五萬二千餘元就以上各項  
而論屬於外欠者共爲七百六十三萬餘元屬於欠外共爲一千九百十三萬  
餘萬元兩相沖抵計實虧一千一百五十萬餘元此截至十年度止本省財政  
欠內欠外之大概情形也又原單所開截留中央各欸一節本廳於本年九月  
間始奉鈞令將公賣費印花稅津浦貨捐等項由各機關解廳取庫作爲歸還  
本省以前墊發中央之欸在十年度內金庫並無取到何項截留之欸無憑開  
報茲將查明外欠欠外各欸緣由造具清冊呈請核咨等情前來相應檢同清

冊咨送貴

會查核此咨

民國十一年十二月二十二日

計咨送清册一本

順直省議會第三屆第二期常會文牘類要

公文類

九



謹將直隸省庫截至十年度止新舊外欠及欠外各款分別查明總數造具清冊送請轉咨

計開

外欠項下

(甲)應收未收之款

一開灤鑛務局欠繳稅釐計行化銀五十三萬八千四百六十四兩九錢約合銀元七十六萬九千二百三十五元五角七分

一開灤鑛務局欠繳歷年報効銀十四萬六千九百四十八兩八錢二分約合銀元二十萬九千九百十五元四角五分

一開灤鑛務局欠繳歷屆特別報効銀元九十四萬五百餘元

一開灤鑛務局繳存部發到國庫証券計券面銀元八十五萬五千七

百八元

(乙)墊付未歸各款

一墊撥九年分近畿戰役軍事用款約合銀元二百六萬七千一百元  
查此項軍事用款係當時奉四省經畧使兼督軍令飭由省庫墊撥及  
逕由各縣提解墊支者曾經由廳造冊呈請轉咨中央撥還十年度內  
尙未蒙照撥

一墊撥十一年分軍事用款約合銀元二百六十萬五千四百餘元

查此項軍事用款係奉巡閱使兼督軍逕由各縣提解墊支及令由省  
庫墊撥者現在甫經查報到廳其中間有支用錢款者因各縣錢法不  
一尙待覆查未能遽定確數茲特酌量折合銀元約如上數

一歷年代陸軍部墊撥官兵郵金計銀元十二萬四十元

一京兆欠解應攤省會經費自六年一月至八年一月止除還尙欠銀  
元六萬三千二百六十四元五角八分

欠外項下

(甲)欠發軍政各費

- 一欠發本省軍事各機關餉項等款約共銀元二百七十餘萬元
- 一欠發本省行政各機關經費共銀元四十萬七千三百二十四元
- 一欠發教育經費共銀元二十八萬三千六百九十七元

(乙)薪舊各項債款

- 一欠中國銀行銀元九十二萬元
- 又利息銀元六萬四百六十元
- 一欠華比銀行英金五十萬磅約合銀元四百五萬元
- 一欠三次公債銀元五十萬元
- 又利息銀元二萬七千五百元
- 一欠四次公債銀元二百六十一萬五百五十八元四角八分

又利息銀元十五萬一百七元一角一分

一欠朝鮮銀行日金七十五萬元約合銀元六十七萬五千元

一欠朝鮮銀行日金一百五十萬元約合銀元一百三十五萬元

一欠直省銀行銀元三十六萬元

又利息銀元八千八百九十二元

一欠直省銀行銀二十萬兩約合銀元二十八萬五千七百十四元二

角八分

又利息約合銀元五千八百六十六元六角四分

一欠殖業銀行銀元一百十三萬元

又利息銀元九千三百七十五元

一欠鹽業銀行銀元八萬元

又利息銀元三千八百四十元

一欠鹽業銀行銀元十一萬元

一欠華比銀行銀元十一萬二千元

又利息銀元三千五百八十四元

一欠敦昌銀號銀元八萬元

一欠津浦路四省公司銀六十六萬三千四百五十二兩七錢八分約

合銀元九十四萬七千七百八十九元六角八分

又利息約合銀元三十三萬四百七十四元六角三分

一欠實業等銀行賑災公債銀元一百八萬元

(丙)欠解中央專款

一六年度除抵解外計欠銀元九萬二千八百八十元

一七年度除抵解外計欠銀元二十二萬元

一八九十三年度每年十八萬元共欠銀元五十四萬元

咨省長報告張議員廷諤辭職請依法遞補文 民國十一年十二月七日

爲咨請事茲據本會永遵區議員張廷諤以現奉大總統令簡派爲財政討論委員會委員具函辭職到會當於十二月四日提出大會報告經衆可決旋據本會議員王徹等函稱張君廷諤辭職業經大會可決茲查本區候補第一人王鼎元君現因事來津卽請咨請省長填發証書交由本會直接發給以期早日遞補而省手續等情前來查省議會暫行法第七條載議員因故出缺時以本選舉區候補當選人名表之列前者遞補之等語現張議員旣行辭職自應迅速依法遞補以重議政相應咨請貴省長查照議員本區候補名冊依法遞補填寫証書咨交本會轉給以省周折實爲公便此咨

直隸省長王 爲咨送事案准貴會咨開云云「原文見前」等因准此本省長覆查無異除令行王議員鼎元原籍豐潤縣知照外相應繕具証書咨送貴會查取轉給此咨 民國十一年十二月十八日

計咨送証書一紙

咨請省長請將凡不隸屬於財政廳收支各款查明開單送會文 民國十一年十二月十一日

年十二月十一日

爲咨請事案據本會特別委員會爲審查財政公開一案具書報稱總核省長咨交本省全年收支各款清冊其出入不敷爲數至鉅欲根本之救濟不得不爲澈底之清查吾直財政表面上雖號稱統一而實際上各自獨立之收支爲數當仍不少倘不和盤托出不惟具體籌劃無從著手且不足以昭大信而示公開擬請備文咨請省長將不隸屬於財政廳之收支各款分別查明一併單開到會以備本委員會通盤鉤稽等情據此相應咨請貴省長查照辦理實紉至誼此致



咨省長議員戰維馨病故以夏荊峰遞補請給証書文

民國十一年十二月十五日

爲咨請事案咨省議會暫行法第七條內載議員因故出缺時以本選舉區候補當選人名次表之列前者遞補之等語茲據本會第十選舉區議員段文樓郭子衡吳廷萱等以據該區議員戰維馨之子長春來津報告伊父因病逝世查所遺之缺依法應以候補第一名夏君荊峯遞補請就近領發証書以便早日到會備函證明前來本會覆查無異相應咨請貴省長查明該區候補當選人名冊依法遞補並將議員證書繕交本會轉給以免周折一面分令各該縣一照備案實爲公便此咨

直隸省長王 爲咨復事案准貴會咨開云云(原文見前)等因准此本省長覆

查無異除令夏議員荊峯原籍交河縣知照外相應繕具證書咨送貴會查收

轉給此咨 民國十一年十二月十九日

計咨送證書一紙

咨報省長吳議員樹森病故請遞補並發証書文 民國十一年十二月十六日

爲咨請事據本會議員石文華任國樑等函稱本會第二區議員吳樹森於十二月十號病故依法應以本選舉區候補第一名昌黎張念祖遞補請就近領發議員證書以便早日到會具書證明前來查省議會暫行法第七條載議員因故出缺時以本選舉區候補當選人名次表之列前者遞補之等語現在吳議員樹森病故出缺張念祖因事在津自宜迅速遞補俾便出席以重議政相應咨請貴省長希卽查明該區候補當選人名册依法遞補並將證書就近繕交本會轉給以省周折一面令各該縣查照備案至紉公誼此咨

直隸省長王 爲咨復事案准貴會咨開云云(原文見前)等因准此本省長覆查無異除令張議員念祖原籍昌黎縣知照外相應繕具證書咨送貴會查收轉給此咨 民國十一年十二月二十六日

計咨送證書一紙

咨報省長議員馬遇英病故請遞補並發證書文 民國十一年十二月十九日

爲咨請事茲據本會議員黃端榮植芹等函稱本會京兆通縣議員馬遇英於十二月三日在京病故查候補當選人密雲縣劉君鐘瑛理應遞補等情證明前來查省議會暫行法第七條載議員因故出缺時以本選舉區當選人名次表之列前者遞補之等語現馬議員既經病故自應迅速遞補以重議政相應咨請貴省長查明該選區候補人名次表依法遞補並請填發證書就近交由本會轉給以周折一面轉咨京兆尹令飭縣通知劉議員迅速到會以免議席久缺實爲公便此咨

直隸省長王 爲咨復事案准貴會咨開云云(原文見前)等因准此本省長覆查無異除咨明京兆尹查照轉飭劉議員鍾瑛原籍密雲縣轉知迅速到會外相應繕具證書咨送貴會查收轉給此咨 民國十一年十二月二十七日

計咨送證書一紙

京兆尹劉 爲咨行事據通縣知事崔麟臺呈據縣屬白浮圈第三區區董馬養  
田呈稱爲報明事竊民父馬遇葵被選順直省議會議員業經任職茲於中華  
民國十一年十二月一日民父因病身故爲此報明請求轉呈等情理合呈請  
核轉等情到署除指令外相應據情咨行貴會請煩查照施行此咨 民國十二  
年三月二十三日

咨報省長議員馬鎮桐出缺應以路魁昌遞補請發証書文

民國十一年十

二月二十五日

爲咨請事案查省議會暫行第七條載議員因故出缺時以本選舉區候補當選人名次表之列前者補之等語茲據本會第十九選舉區議員趙璞玉等函稱該區馬議員鎮桐業已因病出缺應以本區候補當選人路魁昌遞補等情証明前來查馬鎮桐既已病故路魁昌正因事在津亟宜迅速遞補以重議政相應咨請貴省長查明該區省議員候補名次表依法遞補並填寫發証書直交本會轉給以免周折一面分令各該縣查照備案實紉公誼此咨

直隸省長王 爲咨復事案准貴會咨開云云(原文見前)等因准此本省長覆查無異除令路議員魁昌原籍南宮縣知照外相應繕具証書咨送貴會查收

轉給此咨 民國十一年十二月二十七日

計咨送証書一紙

咨報省長議員張炳麟病故請依法遞補文 民國十二年三月十三日

爲咨請事查省議會暫行法第七條載議員因故出缺時以該選舉區候補人名次表之列前者遞補之等語茲據昌黎縣公署函開案據城東南莊公民馬均元呈稱省議會議員張炳麟於陽歷二月二日病故出缺均元係本選區省議員候補當選自應依法序補請轉報等情相應據情函達等語張炳麟既已病故自應依法遞補相應咨請貴省長查照該選區候補名冊依法遞補并填發証書交本會轉給一面飭縣通知該議員務於四月一日以前到會以便屆期出席實爲公便此咨

直隸省長王 爲咨復事案准貴會咨開云云(原文見前)等因准此本省長覆查無異除令昌黎通知馬議員於四月一日以前到會出席外相應繕具証書咨送貴會查取轉給此咨 民國十二年三月二十六日

計咨送証書一紙

咨報省長議員駱景沂病故請依法遞補文 民國十二年三月二十四日

爲咨請事查省議會暫行法第七條載議員因故出缺時以該選舉區候補人名次表之列前者遞補之等語茲據本會議員王汝慶謝丕閣關兆鳳等函稱頃接保定駱宅訃聞一件本區駱議員景沂已於十二年二月二十七日作古應以候補列前之朱凝志遞補俾免議席虛懸等語相應據函咨請貴省長查照該區候補名冊依法遞補並請填寫證書發交本會轉給一面飭縣通知該議員務於四月一日以前到會以便屆期出席此咨

直隸省長王 爲咨復事案准貴會咨開云云(原文見前)等因准此本省長覆查無異除令朱議員凝志原籍長垣縣查照通知朱議員外相應繕具證書咨送貴會查收轉給此咨 民國十二年四月三日

計咨送証書一紙

咨報

京兆尹 熱河都統  
直隸省長 察哈爾都統

本會本屆常年會延期二十日  
民國十一年十二月三十日

爲咨報事案查本會第三屆第二期常年會自十一年十一月一日正式開會扣至十二月三十日例限已滿惟重要議案多未議結預算案亦未辦出必須連續開議當由大會公決依據省議會暫行法第二十三條之規定延長會期二十日自民國十一年十二月三十一日起至十二年一月十九日止以便續議完結各案除分別咨報外相應咨達貴

察院

察照此咨



咨催省長凡不隸屬於財政廳之收支各款開單送會文  
民國十二年十二月三十日

爲咨催事案查本會前據特別委員會報告案曾經咨請貴省長凡不隸屬於財  
廳之收支各款查明開單送會在案迄今半月有奇未蒙咨送到會現該特別委  
員會又行催問待查孔急相應再行咨請貴公署尅日送交實緞公誼此咨

直隸省長王 爲咨復事案准咨開不隸屬於財政廳之收入支出請分別查明

開單到會以備鈎稽等因卷查直省財政不隸屬於財政廳之收支者約有數  
項曹前省長任內收井陘礦局解到銀一百五十七萬元東荒墾植局四十三  
萬一千八百七元五角一分九厘一毫通益公司銀二十一萬元安國牙紀局  
捐款二萬九千七百五十四元八角二分四厘洋河官荒地價三萬三千元以  
上五項收款均係隨時撥交督軍公署充作軍費在案茲准前因相應咨復貴

會查照此咨  
民國十二年一月十六日

咨報

直隸省長 熱河都統  
京兆尹 察哈爾都統

本會本屆常年會閉會文 民國十二年一月十九日

爲咨報事案查本會第三屆第二期常年會自十一年十一月一日正式開會扣至十二月三十日例限已滿復因議案多未議結預算案亦未辦出當經大會公決依法延長二十日業已咨報在案計延長會期自十一年十二月三十一日起扣至十二年一月十九日止已滿法定期限各案亦審議完竣當卽於是日依法閉會除分別咨報外相應咨達貴會請煩查照此咨

咨京兆尹送回前送之十一年度地方歲出預算書文

民國十二年二月五日

爲咨覆事案准貴公署以更造十一年度地方歲出預算書咨送本會查照并聲  
叙仍希將前送之十一年度地方歲出預算書咨回註銷等因准此查貴公署前  
送之十一年度預算書到會已月餘之久業經印發各議員並列入十一年十二  
月二十日議事日表提付大會公決交由本會預決算委員會審查在案特以貴  
區國家預算書延不送會無從參考以成完全預算案是以該委員會尙無審查  
報告不然早已審議竣事後書不及更造前書又何能註銷今准前因具悉貴公  
署既自留更造預算之餘地又認爲有註銷前書之必要當將前送之十一年度  
地方歲出預算書檢封送回相應咨請查照此咨

附前送十一年度地方歲出預算書一本

京兆尹劉 爲咨復事案准貴會咨開案准貴公署以更造十一年度地方歲出

預算書咨送本會查照聲叙仍希將前送之十一年度地方歲出預算書咨回

註銷等因准此查貴公署前送之十一年度預算書到會已月餘之久業經印發各議員並列入十一年十二月二十日議事日表提付大會公決交甲本會預決算委員會審查在案特以貴區國家預算書延不送會無從參考以成完全預算案是以該委員會尙無審查報告不然早已審議竣事後書不及更造前書又何能註銷今准前因具悉貴公署既自留更造預算之餘地又認爲有註銷之必要當將前送之十一年度地方歲出預算書檢封送回相應咨請查照等因附前送十一年度地方歲出預算書一本到署查咨文尾開係附送地方歲出預算書而隨文送到者係國家歲出預算書是否封發錯誤相應咨請查明見復此咨 民國十二年二月二十二日

咨

京兆光  
熱直隸  
察晉  
豫長

速送十二年度地方歲入出預算書及各機關概算分冊文  
民

國十二年二月六日

爲咨請專案查省議會暫行法第十六條第二項載議決本省預算及決算等語  
是審議預決算乃本會重要職權茲依本會第三屆第二期常會議決定於本年  
四月一日開臨時會於該會期內審議十二年度省區地方各預算案除分別咨  
請送交外相應咨請貴<sub>院</sub> 憲 希即飭令財政廳趕速編製務於三月十五日前將  
應編十二年度地方預算案連同各機關概算分冊一併咨送到會以便印發各  
議員預事研究無任翹企此咨

咨催省長迅速詳細咨復撤消安國縣牙紀局案文 民國十一年十一月十八日

爲咨催事察准貴省長咨覆本會議決取銷安國縣牙紀局一案內開該縣牙紀局開辦以來人言嘖嘖難保非局員人等辦理不善所致昨已令行財政廳遴派委員前往詳查茲准前因應飭并案查復再行核辦等因准此查此案既未依法於十日內公布前項咨覆應隸屬咨交覆議範圍惟以并案查覆爲理由本會提出勦議對於此項聲明認爲不得要領無從討論應請迅將查覆結果尅日詳細咨復以便覆議相應咨請貴省長查照辦理無任翹盼此咨

直隸省長王 爲咨覆事准貴會咨開本會議決取消安國縣牙紀局一案既未依法於十日內公布前項咨復應隸屬咨交覆議範圍請將查覆結果尅日咨復以便復議等因查此案前經令廳并案詳查迄未具覆除俟飭催到日再行咨交覆議外相應咨覆查照此咨 民國十一年十一月二十九日

咨催省長速覆取消安國牙紀局案文 民國十二年一月五日

爲咨行事案查本會議決取消安國縣牙紀局一案前准貴公署去年十一月二十八日咨內開查此案前經令廳并案詳查迄未具覆除俟飭催到日再行咨交覆議外相應咨復查照此咨等因准此查此案自貴公署咨覆到會迄今又經月餘該廳曾否具復相應再行咨請貴公署查明速覆實紉公誼此咨

咨催京兆尹迅送八九十年年度決算案文 民國十二年二月六日

爲咨催事案查貴區八九十年年度決算案迭經本會文電催索終未送交以致本會第二屆第二期常年會內無從參考是以未能將貴區十一年度預算案審議完竣殊爲遺憾前准貴公署於一月九日咨復文內聲明已催令財政廳迅速編送迄今多日猶未送到倘再延緩已屆本會開臨時會時期開會前不能造送則開會又不能儘先審議恐臨時會期內貴區預算又不能辦竣將來誰尸其咎本會對於此實深焦急相應咨請貴尹尅日造送無任盼禱此咨



咨催省長限於四月一日以前書交籌辦石家莊紡紗廠案文 民國十二年

三月十四日

爲咨催事茲據本會常駐委員會函稱案准貴省長以本會咨請令實業廳照章籌辦石家莊紡紗廠一案嚴令實業廳遵照並令行省銀行隨時籌撥存款又據實業廳呈稱依照章程積極籌畫並函省銀行籌撥款項以資進行等情前後咨復各等因准此查該案爲本省開闢利源關係實業前途至爲重要該廳籌畫情形如何省銀行款項何時始能籌撥亟應咨請貴省長飭催遵照前案迅速呈報務於四月一日以前咨交到會以憑審議等語據此相應咨請貴省長查照辦理實緜公誼此咨

直隸省長王 爲咨復事案准貴會來咨請飭催籌辦石家莊紡紗廠一案迅速呈報於四月一日以前咨會審議等因到署當經分行遵照在案茲據實業廳復稱竊查接營卷內此案前經省議會議決咨由鈞署令發章程到廳曾經前

任署廠長召集廠內紡織專門技術員司迭次會議按照一萬錠之計畫酌擬概算計額固定資本銀六十三萬三千一百零六元並流動資本銀三十六萬六千八百九十四元開具紗廠概算書及營業概算書各一份呈奉指令內開呈書均悉仰由該廳逕向省銀行會商籌辦法進行並候咨行順直省議會查照等因當由職廳咨商該銀行查照見復嗣奉鈞令催飭籌辦節經職廳函請省銀行籌撥款項以資進行旋准該銀行函稱原存紗廠成本行平銀一百萬兩除歷次提用暨奉令因軍事緊迫借撥軍費五十萬元外實存本銀四十九萬一千六百四十餘兩此項紗廠成本早經歷任前行長全數放出咨候催索公私各欠設法張羅等語並經呈奉鈞署指令候核咨順直省議會查照等因又於上年十二月間案奉鈞令以准省會來咨催辦此案飭即切實籌辦積極進行等因當經函催省銀行迅即籌撥款項以便進行復准該銀行函稱紗廠成本原擬竭力籌撥應用無如敝行因籌墊直奉戰爭軍用各費數達二百

餘萬之多雖蒙省長咨請財政部設法籌還迄今尙無歸還辦法兼之長蘆運庫並財政廳舊欠洋款數十萬元亦仍屢索未償業將做行一時力難籌撥鉅款仍係催索公私欠項集有成數再行提撥應用等因各在案奉令前因案關省會議決奉令籌辦要政自應依照前定章程設法趕辦以重議案而興實業惟紗廠組織第一步須先訂購機器第二步須選買地址建築廠房凡此各節在在均需鉅款省銀行撥款既無確期無米爲炊實屬無從著手籌思至再惟有懇請令行省銀行迅速籌撥款項俾資興辦並乞轉咨順直省議會查照是否有當理合呈請鑒核施行又查上年七月間據獲鹿縣呈送石家莊大興紡織公司章程等件請照章轉呈註冊等情當經呈由鈞署轉咨農商部核辦嗣奉鈞令以此案已經農商核准填給註冊執照令廳轉給等因有案是該處已設有商辦紡織公司合併陳明等情據此除令催省銀行速復外相應先行咨復貴會查照此咨

民國十二年四月六日

直隸省長王 爲咨復事案准貴會咨催籌辦石家莊紡紗廠一案當將令據實業廳查復情形先行咨復一面令催省銀行速復在案茲據復稱查前奉訓令到行業將本行一時力難籌撥鉅款情形呈復鑒核在案茲奉前因伏思紗廠要舉本行非不盡心籌畫冀圖早觀厥成無如紡紗成本一項早經歷前任行長零星放出並經省會議決自民國元年由行按年生息以零星放出之款遽欲收回誠恐湊集不易况本行近年籌墊軍費已達二百餘萬雖蒙省長轉咨財政部設法籌還乃迄今將屆一年尙無切實辦法餘如長蘆運庫及財政廳舊欠本行之款屢催亦未歸還晝夜焦思一籌莫展總計本行所墊軍政各費幾將公家成本暨紡紗存款全數提取目前營業狀況已有不易支持之勢若欲再挹紗廠成本非將所墊公家鉅款設法收回委實力難應付惟有仍請寬緩時日一俟湊集公私欠項再行提撥應用以仰副省長暨省會振興實業之意理合呈請鑒核轉咨等情據此相應咨復貴會查照此咨 民國十二年四月

十六日

咨催省長

開辦礦產讓價購回  
買回全盤電燈車路

兩條限四月一日以前交會審議案文 民國十二年

三月十四日

爲咨催事茲據本會常駐委員會函稱前准省長咨復開辦礦產讓價購回並該局餘利用途一案已函該局督辦查照籌擬辦理並令財政實業兩廳迅速詳查具報又准貴省長咨復迅速籌畫買回全盤電燈車路一案已令實業廳遵照迅速籌備並行交涉員知照各等因准此查該兩案關係本省財產至爲重要購回期限時不可失該礦局督辦與財實兩廳關於各該案籌擬情形如何詳查情形如何籌備情形如何迄今多日尙未准咨復亟應咨請貴省長分飭各該局廳遵照前案迅速籌備限期具報務於四月一日以前咨復到會以憑開臨時會時儘先審議等語據此相應咨請貴省長查照卽分飭遵辦見復實紉公誼此咨

直隸省長王 爲咨復事案准貴會來咨催辦開辦礦局議價購回開平鑛產並該局餘利用途及籌畫買回天津電燈車路兩案請迅飭遵辦見復等因准此

查收回開平鑛產一案前准貴會來咨當經分行查報並函致開灤鑛局袁督辦確查籌擬旋准復稱按照合同第十七條購回一事應由灤鑛公司與開平公司兩造商辦至應繳各款繕單函送查照等因又據實業廳呈稱灤鑛報効無案可稽已咨財政廳查復並據財政廳呈稱查開灤聯合營業已逾十年今省議會擬將開平公司全分財產議價收歸本省管業係爲挽回利權起見本廳極表贊同惟此事爲實業廳主管不在本廳職權之內應如何預爲交涉議價收回擬請鈞署飭令該廳妥籌辦理俟議有頭緒方能會商籌款辦法呈候核定以便進行至開灤鑛局應交本省各款照合同所規定除煤稅煤厘外計有兩項一係每年額定報効行化銀五萬兩一係特別報効每年所交銀數視聯合營業股東分利之多寡以爲衡聲明作爲與辦實業之用以上兩項向由該公司遇交款時分別逕解鈞署核收發廳取庫近年以來該鑛以中央積欠煤價之故將此款延欠甚巨經廳盡力催索始據陸續交本廳隨時呈報此

兩收入自民國三年本廳成立以後每年均係列入省地方預算經常歲入第五款第四項由金庫統收統支爲省地方政費之用其收入數目與支支出政費亦經歸入各年度決算案內造報歷屆預算決算均經呈請咨交省議會議決在案是此項收支實數及辦理手續不但早在鈞署監督之中亦且屢經省會審核之後檔冊具在可以復按至金庫收支統一向無某項支出專由某項收入之規定該鑛歷年解到報効既悉歸金庫統收統支爲本省地方歲出之需若必欲指出某項用途由此款撥支若干存餘若干則事實所限實難強爲分拆奉令前因惟有據實呈復仰祈鑒核轉咨各等情前來又查買回天津電燈電車一案前准貴會咨行到署亦經令行實業廳迅速籌備有案茲准併案咨催前因除再令催實業廳迅將買回電燈電車一案按期呈報核咨並令廳按照鑛鑛合同與灤鑛公司接洽一切卽由該公司與開平公司直接協商具報外相應照錄開灤鑛局函送清單咨復貴會查照此咨 民國十二年三月二十九日



附抄單

開灤礦務總局繳納直隸省興辦實業經費清單

計開

應繳洋數

聯合第一屆截至民國二年六月三十日止計洋一萬一千二百二十四元九角

聯合第二屆截至民國三年六月三十日止計洋九萬一千零二十三元二角八分

聯合第三屆截至民國四年六月三十日止計洋十萬零三千三百一十六元零六分

聯合第四屆截至民國五年六月三十日止計洋十二萬四千五百九十一元零七分

聯合第五屆截至民國六年六月三十日止計洋十八萬一千二百二十元零三角五分

聯合第六屆截至民國七年六月三十日止計洋三十七萬四千五百三十五元八角四分

聯合第七屆截至民國八年六月三十日止計洋三十六萬九千三百二十二元八角四分

聯合第八屆截至民國九年六月三十日止計洋五十九萬三千零零五元一角一分

聯合第九屆截至民國十年六月三十日止計洋四十五萬三千三百五十七元五角四分

聯合第十屆截至民國十一年六月三十日止計洋二十四萬五千三百九十二元六角九分

結至第十屆止共計應繳洋二百五十四萬六千八百八十九元六角八分

實繳洋數

民國二年十一月三十日計洋一萬一千一百二十四元九角

民國三年十二月三十一日計洋九萬一千零二十三元二角八分

民國四年十二月三十一日計洋十萬零三千三百一十六元零六分

民國六年一月三十一日計洋十二萬四千五百九十一元零七分

民國七年二月二十八日計洋十萬元

民國七年五月三十一日計洋八萬一千二百一十元零三角五分

民國八年四月三十日計洋十萬元

民國九年四月三十日計洋十萬元

民國九年七月三十一日計洋五萬元

民國十年一月三十一日計洋五萬元

民國十年五月三十一日計洋十萬元

民國十年六月三十日計洋五萬元

民國十年七月三十一日計洋十萬元

民國十年九月三十日計洋五萬元

民國十年十一月三十日計洋二十四萬九千六百元

民國十一年五月三十一日計洋五萬元

民國十一年十月三十一日計洋二萬元

民國十一年十一月三十一日計洋二十三萬五千二百元

民國十二年二月六日計洋二十萬元

民國十二年二月八日計洋一萬元

結至民國十二年二月二十三日止共計實繳洋一百八十七萬六千零七

十五元六角六分

除繳下欠洋六十七萬零八百一十四元零二分

咨催省長速復請將各縣雜項收入數目登報公布並送會審議案文

民國

十二年三月十七日

爲咨催事茲據本會常駐委員會函稱查本會議決請將各縣雜項收入數目登報公布並送會審議一案尙未咨復到會請儘先速爲備文咨催等語據此查該案於省庫收入縣署征解人民負擔均有重要關係吾省長既抱澄清史治之志又實行財政公開主義則澄清吏治與財政公開均可於該案首試其端絕不至視爲緩圖惟該案咨達已經四十餘日尙未准咨復相應呈請貴省長查照速復實紉公誼此咨

咨催省長速復查辦前大清河局長冉凌雲案文

民國十二年三月十七日

爲咨催事茲據本會常駐委員會函稱查本會議決澈查前大清河分局長冉凌雲一案尙未咨復到會請儘先速爲備文咨催等語據此查該案咨出已將兩月是否已行澈查暨查辦情形如何迄未咨復相應咨請貴省長查照速復爲盼此咨

咨催省長速復撤消鑛墾牧植局暨查辦該局局長徐德源兩案文 國民十

二年三月十七日

爲咨催事茲據本會常駐委員會函稱查本會議決撤消鑛墾牧植局暨查辦鑛墾牧植局局長徐德源等案尙未咨復到會請儘先速爲備文咨催等語據此歷查各該案具見該鑛墾牧植局與該局長所爲實爲一方人民之害該局與該局長早行撤查一日卽民害早去一日萬不可與尋常無足輕重之案等量齊觀以爲可以延緩相應咨請貴省長查照迅速具復實紉公誼此咨



咨催省長速復委查井陘鑛局全年應得利益開送本會列入預算以便議

定用途案文 民國十二年三月十七日

爲咨催事茲據本會常駐委員會函稱查本會議決委查井陘鑛局全年應得利益開送本會列入預算以便議定用途一案尙未咨復到會請盡先速爲備文咨催等語據此查該案咨出已近兩月是否已行委查暨委查情形如何迄未准復相應咨請貴省長查照前案迅速咨復實緝公誼此咨

直隸省長王 爲咨復事案准貴會來咨以議決委查井陘鑛局全年應得利益送會列入預算以便議定用途一案請迅速咨復等因准此查此案前准貴會咨行到署業經令行井陘鑛務局查明造冊呈送咨轉在案茲准前因除再令催該局迅速造送外相應咨復貴會查照此咨 民國十二年三月二十八日

咨催省長速復查催啟新洋灰公司歷年欠解報効案文 民國十二年三月

十七日

爲咨催事茲據本會常駐委員會函稱查本會議決查催啟新洋灰公司歷年欠解報効一案尙未咨覆到會請儘先速爲備文咨催等語據此查該案關係本省歲入爲數甚鉅本會於一月十七日咨出迄今已將兩月未准咨覆實屬無可再緩相應咨請貴省長查照速覆爲盼此咨

直隸省長王 爲咨覆事案准貴會來咨催查啟新洋灰公司歷年欠解報効一案請查照速覆等因准此查此案前准貴會來咨當經分行財政實業兩廳查照惟未准咨以前已據財政廳呈請飭催該公司歷年欠解報効實業經費之欸即經令行該公司遵照旋據復稱不能照解緣由又經本署核明所持理由甚不充足令廳核駁嗣經財政廳呈將該公司所持理由逐條核駁復經令催公司迅速報解各在案茲准前因除再令催啟新洋灰公司尅日掃數報解外

相應抄錄財政廳呈文暨本署訓令咨送貴會請煩查照此咨

民國十二年三月二十八日

月二十八日

附抄件

呈爲遵令核復敬請飭遵事案奉鈞署第四一一號訓令內開案查前據該廳呈請飭催啟新洋灰公司清繳歷年欠解報効實業款項一案當即轉行催解並指令在卷茲據該公司函稱竊查公司報効一款節經民國三年十二月四年三月臨常股東大會議決停止並於續修章程內刪除呈奉農商部核準備案上年函覆鈞署業經聲明在案茲奉前因董事等以事關公司負擔自應徵求股東全體意見以定從違特於一月八日召集股東會議經衆詳加討論僉謂報効之名本無根據議決之案未便更張仍責成董事查照原議執行並提出意見書數十通議論均歸一致謹撮舉大要爲鈞署詳晰陳之報効爲君主時代產生之物前清自軍興之後鹽商作俑於前新舊海防捐輸於後卒以亡

國股鑿匪違民國肇興保商法令以公司條例爲南針其對於公司支出用途  
妥定規程不容冒濫故自官利紅利報酬公積之外絕無他項開支蓋直接以  
鞏固商業之基礎間接以保護國家之稅源若於法定開支而外更益以鉅額  
之輸將則商業萎蕩患猶輕稅源動搖患乃大此徵諸民國法令不能不刪去  
報効之理由敬祈鈞署諒解者一也做公司成立於前清末造實隸北洋大臣  
管轄範圍之下中經交涉繁難募股困頓而卒以告厥成功者實賴歷任北洋  
大臣維持之力匪特此也於直隸境內特許以專利之權於東三省熱河山東  
河南山西等省及長江一帶江蘇安徽兩省復給以優先之例做公司既獲此  
種種特殊之利益則犧牲贏餘一部分以爲報施於理亦尙允當自省官制頒  
布後直隸省長已無兼轄他省明文不但寧滬之間公司林立卽直隸山東居  
商業競爭之中心亦相繼設廠做公司受其影響損失已鉅何能再加糜耗此  
徵諸已往歷史不能不刪去報効之理由敬祈鈞署諒解者二也民國以來國

內商業漸見擴張後起公司何啻倍蓰而具有報効明文者在外省僅一湖南之華昌鎔鑛公司在本省亦不過財政廳列舉之開灤電燈電車數家鎔鑛爲軍用所關華昌爲官商合股本屬例外難以同論敝公司爲純粹商資所創辦洋灰又係普通建築所必需官廳愛護維持自應特加注意至開灤電燈電車均有洋商侵入主權之漸取締加嚴別有用意在公司食毛踐土固不敢以化外自居在官廳一視同仁更何忍以僑商相待此徵諸現在事實不能不刪去報効之理由敬祈鈞署諒解者三也若謂續修章程未經省轉以是爲指摘之端實不免吹求之論蓋報効本非法定存廢當屬自由公司經緯萬端若必事事經由地方官廳恐日昃不遑益滋紛擾查前年呈部之案不過修定章程例須備案既非增加資本亦無開設支店逕呈部署似尙無違法之嫌此尤不得不詳爲剖辨者也以上所陳均係此次股東到會提出之意見董事等對於股東議案理應鄭重執行用敢據實臚陳上備政覽夙仰省長體恤商艱無微不至

至官商互助樹之風聲凡隸嶼嶼靡不咸戴所有報效一欸不能照解各緣由  
理合函請鈞署轉飭財政廳查照備案實爲公便再此項報效既如上述當然  
與預算無關况預算所列皆以法令規定者爲依據報效似非其倫合併陳明  
等情據此查該公司所持理由甚不充足合行令仰該廳詳細查核逐條駁復  
呈候核辦此令等因奉此並准實業廳以准該公司函同前因函知到廳本廳  
詳加審核原函所稱刪去報効各節雖亦持之有故而本省實絕無允許取銷  
理由爲鈞座縷晰陳之考唐山洋灰公司原名唐山細綿土廠係於前清光緒  
十五六年間經唐道廷樞呈奉前北洋大臣李批准創辦本爲官家用土而設  
所需資本以北洋官款居大部分嗣因虧賠報停泊光緒二十六年由前天津  
道周學熙第二次稟奉前北洋大臣裕批准仍就舊廠重行試辦中經拳亂未  
及兼顧由津海關稅務司德璫琳與開平公司訂議墊款辦理三十二年本省  
當局與外人竭力交涉取歸北洋自辦派員經理飭由銀錢所支應局籌備墊

擴充新廠原定計畫爲先由借款辦理一面招集商股當時因行本周轉不及並核准由天津官銀號先後撥借鉅款以資興舉厥後商股招齊乃將借墊各款陸續歸還定名爲啟新洋灰有限公司作爲完全商辦光緒三十三年該公司呈案創辦章程第十三條續擬暫行總章程第三十六條第一款均載明每年贏餘除官利及酌提公積外按照十四成分派以一成報効北洋興辦實業等語宣統二年舊公司與新公司訂立清理承受合同第十五條一款及修訂舊公司章程第三十五節亦均有以餘利十四分之一報効北洋興辦實業之文是該公司因在直境營業承受公家創辦成規享有使用本省土地之權利與地方官廳之保護故特定提成報効與一般純粹商業由商家自行創辦者情形迥乎不同遵守亦既有年從未發生異議豈能中途變更推翻前案原函內開徵諸民國法令不能不刪去報効一節查報爲施之對待名詞効則含有致力之義該公司既享受上述種種權利其對公家爲相當報効於興辦實

業所需稍致助力原屬理所當然如近日各縣包商或新創營業於正額以外歲認地方公益捐等名目雖異實際相同是報効之事原非君主時代所獨有即認爲清代產物現在關於民事部分清現行律之與民國國體不抵觸者仍能繼有效此項報効並無與民國國體抵觸之處何得以肇自曩朝遽行抹煞至謂公司條例無此規定不知法律有原則有例外公司條例所列舉不過爲普通示範其具有特別情形必須負特別支出原非條例所限制即如公司發起人當受特別之利益與特別之報酬章程載明者均爲條例所認許以公家多年締造之事業舉而歸諸商有以視發起人之提倡組織仍資羣力以集事其有造於公司爲何如箇人尙能享特別待遇公家奚獨令向隅況法律不溯已往如公司條例施行前成立之公司曾依舊公司律註冊者其每股金額雖與公司條例第一百二十四條規定之數不符亦爲有效又前項公司於創辦時發行優先股票不因公司條例第二百一條之規定失其效力此爲公司條



例施行細則第十三條所揭載是舊章新例縱有參差效力仍然存在此項報効載在該公司歷次所定章程早依舊公司律註冊立案當然不能因公司條例所無而失效此就民國法令言不能允其刪去報効者一也原函又稱徵諸已往歷史不能不刪去報効一節該公司沿革情形業如上述其始純由公家主動經辦者爲北洋官吏籌墊者爲北洋官欸交涉之繁難當局之維持亦已爲原函所承認在公家幾經艱苦曲折該公司乃獲享厥成此豈尋常商業官廳祇空言保護者所可同日而語飲水思源報効詎云過當至直隸境內准予推廣專辦及東三省熱河與魯豫晉蘇皖各省准設分廠之案事在宣統元年乃後來之格外體恤並非以此爲報効之交換條件卽不能以有無同業爲存廢標準况直隸境內現尙未聞另有此項公司其他各省區原案不過准其建設分廠並無特許專利明文該公司不能及時推廣係屬自行放棄並非省區制止其進行事關實業又安能禁他人之振興此欸定案久垂何得以省官制

變更爲藉口此就已往歷史言不能尤其刪去報効者二也原函又稱徵諸現在事實不能不刪去報効一節查民國一來後起之公司固大都商人集資創辦與公家無特殊關係自無特別報効之必要該公司創辦伊始全由官方事實具在可以覆按今既侈言歷史不思其以前種種與普通公司是否相同倘非理所當然當日豈能輕許至開濠電燈電車等報効亦胥本施報恒規非別含取締作用在僑商深明斯義尙遵守契約而不渝豈該公司分屬華民轉置舊章於弗顧此就現在事實言不能尤其刪去報効者三也又原函剖辯續修章程未經省轉尙非違法一節查公司條例第一百二十二條內載公司成立後添設支店及其本店或支店遷移他處又設立時業經註冊之各事中有變更時準用本條例第十二條第十三條第十四條之規定等語以上三條之規定卽屬必須於該管官廳註冊之手續該公司續擬章程時雖云非增加資本開設支店其刪去報効實係於設立時業經註冊之各事中有變更自

應依法定手續由地方官廳核轉乃於支出用途則以公司條例爲詞對於必  
要手續又置條例規定於不顧云非違法詎得其平若謂報効非關法定存廢  
可以自由不知自由真輕以不侵他人之自由爲界共和國體之下尤必以法  
律爲範圍報効一款載在該公司歷次章程並新舊公司清理承受合同一再  
呈經本省核准立案儼成爲一種雙方合意契約早發生法律上効力縱令該  
公司遇有重大故障須行酌改必須先向本省徵求同意始得變更卽慮利害  
攸殊難期一致亦應詳述理由先行通告如果事實允洽何吝開誠協商乃營  
業方蒸蒸日上並無必須改訂原因僅憑片面主張不取雙方同意逕呈部署  
率先變更是損害他人權利軼出法律範圍既違反法律之規定卽無對抗他  
人之効力官廳於本省權利具有維護之責豈能聽其假自由之名遂擅便之  
計至於公司事事必經由地方官廳恐滋紛擾云云不審意果何指若以爲公  
司無暇及此則呈請地方官廳核轉與逕呈部署不過公牘上稍易數語及章

程多備數份辦理毫不爲難何至遂嫌紛擾若以爲官廳所不欲屢干則官吏爲國服務舉凡職掌所關負有執行責任無論若何冗煩不容稍存放棄矧修改章程在公司非頗有之事註冊核轉在官廳祇舉手之勞有何紛擾可言豈能藉詞規避原函剖辯諸語亦殊乏正當理由又函末謂報効無關預算不知此項報効自前清宣統初年卽列入本省地方預算嗣因該公司積欠多年暫從緩列旋經省會於議決案內照案列增歷經照辦此款一日未交卽歲計少一宗收入何云與預算無案總之該公司營業於直隸區域享有本省給予種種權利當然應盡報効之義務斷不能任意廢除詳核原函所持理由殊欠充足詢如鈞令所云本省萬難承認現又續奉鈞令轉達省議會來咨以該公司未經本省長官核准擅行刪去報効於理於法均有未合請飭從嚴催繳等因款關地方歲入又經大會議決斷難令其無著惟有仍請鈞座函復該公司將報効一款照舊回復一面迅將截至最近結賬之日止所有歷年欠繳報効之

款統盤核明尅日掃數解繳本廳以符原案嗣後務須照案按期撥解勿再飾詞蒞延不惟本省財政得資挹注卽該公司駐在斯土履行義務融洽感情亦決非一無關係也所有遵令核復緣由是否有當理合備文呈乞鑒核施行謹呈

直隸省長公署訓令第一千一百三十一號

令啟新洋灰公司

案查前據該公司函稱報効一款不能照解請飭財政廳備案等情到署業經轉行核復在案茲據財政廳復稱奉令本廳詳加審核云云呈乞鑒核旋行等情據此合行令仰該公司仍遵前令迅將歷年欠解報効之款掃數解繳財政廳以符原案勿再延宕致煩委提此令

咨催省長關於礦墾牧植局四案從速咨復文 民國十二年三月二十三日

爲咨催事案據本會常駐委員會函稱查本會議決各案各省區有已咨復尙無結果者且有並未咨復者爲數均屬不少請迅速分別備文咨催以利進行等語查本會本屆第二期常年會請願案內關於礦墾牧植局者計有四案均未准復茲將案由列後相應咨請貴省長查照分別速復爲盼此咨

計開咨催案四件

一 咨易縣趙子鈞等請撤銷鑛墾牧植局案

二 咨蔚縣商會會長王守忠等請裁撤鑛植牧植局案

三 咨涿房涞三縣代表張星樓等請停止紫荊關開山挖溝案

四 咨西陵公民世英等請將生計甯仍歸各領戶耕種並裁撤鑛墾牧植局案  
直隸省長王 爲咨復事准貴會咨以本屆第二期常年會請願案內關於鑛墾

牧墾局計有四案均未准復請查照分別速復等因查紫荊關挖河一案前據

張星樓等呈訴到署當以此項計畫既關係各該縣水利農田及人民生計自應詳切調查以照慎重令飭鑛墾牧植局勿再興工聽候勘查並咨呈直魯豫巡閱使查核在案其餘三案亦均先後咨呈核示尙未准復應俟復到再行咨達准咨前因相應先行咨復貴會查照此咨

民國十二年四月三日

咨催京兆尹速復提議及請願等五案文 民國十二年三月二十三日

爲咨催事案據本會常駐委員會函稱查本會議決各案各省區有已經咨復尙無結果者且有並未咨復者爲數均屬不少請迅速分別備文咨催以利進行等語據此查本會前經咨行貴尹各案尙未經咨復到會者計關於提議之案二關於請願之案一茲將案由列後相應咨請貴尹查照分別速復爲盼此咨

計開咨催案三件

一 咨請裁撤清查地畝局案

一 咨請將各縣雜項收入數目登報公佈並送會審議案

以上二案係提議案

一 咨實蘅通三縣代表張丹忱等請停止京兆旬刊改添初級中學案

以上一案係請願案

京兆尹劉 爲咨復事案准貴會咨開案據本會常駐委員會函稱查本會議決



各案各省區有已經咨復尙無結果者且有並未咨復者爲數均屬不少請迅速分別備文咨催以利進行等語據此查本會前經咨行貴尹各案尙未經咨復到會者計關於提議之案二關於請願之案一茲將案由列後相應咨請貴尹查照分別速復爲盼等因並開列咨催案三件到署查寶薊通三縣代表張丹忱等請停止京兆旬刊改添初級中學案已於本年三月二十二日咨復又請將各縣雜項收入數目登報公佈並送會審議案已於三月三十日咨復又咨請裁撤清查地畝局案已於四月六日咨復各在案相應咨復貴會查照此

咨 民國十二年四月十四日

咨催熱河都統分別迅覆興業銀行仍照部章辦理等案文 民國十二年三月

二十三日

爲咨催事茲據本會常駐委員會函稱查本會咨出各議案各省區有已咨覆而無結果者有尙未咨覆者爲數均屬不少請迅速備文咨催以利進行等語據此卷查本會咨達貴區尙未准覆者計提議案七請願案一茲將案由列後相應咨請貴兼都查照分別速覆爲盼此咨

附列咨催案八件

計開

- 一咨請興業銀行仍照部章辦理案
- 一咨請各縣設立司法公署案
- 一咨請截留解部司法取入作各縣司法經費案
- 一咨請取消招添馬警以蘇民困案

一咨請車馱捐款仍撥歸縣有案

一咨請規定熱河留學專款并請於十二年度預算內加入留學專款案

一咨請將各縣雜項收入數目登報公布并送會審議案

一咨請邱鳳翔等請增加教育經費案

咨催省長分別迅覆王彝銘請撥款修堤等案文 民國十二年三月二十四日

爲咨催事案據本會常駐委員會函稱查本會咨出各議案各省區有已咨覆尙無結果者且有并未咨覆者爲數均屬不少請迅速分別備文咨覆以利進行等語據此查本會本屆第二期常年會請願案內有關係民生者兩案玉田縣修堤勢難延緩豐潤縣磨捐頗近苛細又有關係軍用墊款者一案均咨達多日尙未准復茲將案由列後相應咨請貴省長查照分別速復爲盼此咨

計開咨催案三件

一咨玉田縣王彝銘等請撥款修堤案

一咨豐潤縣張鏡等請裁免磨捐案

一咨任邱縣李維珍等請軍用墊款作正開銷案

咨催省長分別迅覆咨復金華橋各項款目應從速結束交會備查等案文

民國十二年三月二十四日

爲咨催舉案據本會常駐委員會函稱查本會咨出各議案各省區有已咨覆尙無結果者且有并未咨復者請迅速分別備文咨催等語據此卷查本會咨覆貴省長交議各案內有關係財政者兩案關係法律者一案均有咨覆之必要迄今尙未准復茲將案由列後相應咨請貴省長查照分別迅覆爲盼此咨

計開咨催案三件

一咨催覆指定教育專款案內契稅費用與差徭兩項請另議指定抵補案

一咨復金華橋案各項款目應從速結束交會備查案

一咨復容城縣財政所所長案應以得票最多者爲當選案

直隸省長王 爲咨復事准咨開以貴會咨復交議各案內有關係財政者兩案

關係法律者一案均有咨復必要開列案由請查照分別迅復等因准此查關

於財政兩案業經分案咨復在案至關於法律一案前准咨復卽經令縣遵辦  
矣相應咨復查照此咨 民國十二年四月六日

咨催察哈爾都統分別迅覆取消統捐各項以蘇民困等案文

民國十二年

三月二十三日

爲咨催事案據本會常駐委員會函稱本會議決各案各省區有已咨覆尙無結果者且有並未咨復者爲數均屬不少請迅速分別備文咨催以利進行等語據此卷查本會咨達貴區尙未准覆者計提議案三請願案二茲將案由列後相應咨請貴都統查照分別速覆爲盼此咨

附列咨催案五件

計開

- 一咨請取消統捐各項以蘇民困案
- 一咨請將各縣雜項收入數目登報公布並送會審議案
- 一咨請限制張家口興業銀行濫發紙幣案
- 一咨請限制張家口興業銀行濫發紙幣案
- 一咨張耀樞請澈查興業銀行濫發紙幣案

一咨張耀樞請轉令興和縣將商會會長名義恢復原狀案



咨僅省長分別迅覆王貴等請撤查陽原縣知事等案文

民國十二年三月

二十四日

爲咨催事茲據本會常駐委員會函稱查本會咨出各議案各省區有已咨覆尙無結果者且有並未咨覆者請迅速分別備文咨催等語據此查本會咨達請願案內有關係查辦縣知事者四案肥鄉縣一容城縣一陽原縣二均經咨達多日並未准復縣知事爲親民之官被控之縣知事必有不洽輿情之處查辦早行一日則民情早安一日况一縣知事兩次被控民必有實受其害者查辦與否暨查辦情形何如待復至爲殷切茲將案由列後相應咨請貴省長查照分別速復至  
級公誼此咨

計開咨催案四件

一咨陽原縣王貴等請撤查該縣知事案

一咨陽原縣張均等請撤查該縣知事案

一咨肥鄉縣李蔭桐等請撤查該縣知事案

一咨容城縣夏恩濤等請查辦該縣知事案

直隸省長王 爲咨復事准貴會咨以請願案內肥鄉容城陽原等縣知事查辦

各案請分別速覆等因准此查所開四案前准來咨均經先後派員詳查在案  
除俟查明分案咨達外合先咨復查照此咨 十二年四月六日

咨催省長分別迅復裁撤商品萃賣場等四案文 民國十二年三月二十四

爲咨催事案據本會常駐委員會函稱查本會咨出議決各案各省區有已咨復尙無結果者且有並未咨復者爲數均屬不少請迅速分別備文咨催以利進行等語據此查本會本屆第二期常年會咨出各案內有關係實業者三案關係教育者一案均經咨達多日尙未准復茲將案由列後相應咨請貴省長查照分別迅復爲盼此咨

附列咨催案四件

計 開

一咨請轉咨察哈爾都統限制張家口興業銀行濫發紙幣案

一咨請裁撤商品萃賣場案

一咨荊可恒等請設立產業公會案

一咨請督促直隸省教育會改選案

直隸省長王 爲咨復事案准貴會來咨併案催辦關於實業者三案關於教育者一案請迅復等因准此查限制張家口興業銀行濫發紙幣一案因該銀行係察區所轄直省未便干預既由貴會逕咨應請逕行咨催以清權限又設立產業公會一案已將辦理情形另案咨復至裁撤商品萃賣場及督促直隸省教育會改選兩案前准大咨節經分行遵辦有案茲准前因除再分別令催外相應咨復貴會查照此咨 民國十二年四月二日

咨催熱河都統速送十一年度預算案文

民國十二年三月二十七

爲咨催事查貴區十一年度地方預算表册迭經咨催迄未准送本會本屆第三次臨時會開會在卽行將審議各省區十二年度預算亦早經咨行在案奈貴區十一年度預算尙未送到未免延緩太甚相應再行咨請貴兼都查照迅將貴區十一年度連同十二年度預算表册尅日咨送至要至盼此咨

咨催省長分別迅覆取消通益公司及取消滄獲四處統稅局案又 民國十

二年三月三十日

爲咨催事茲據本會常駐委員會函稱查本會咨出各議案各省區有已咨覆而無結果者有尙未咨覆者爲數均屬不少請迅速分別備文咨催以利進行等語據此卷查咨覆貴省長對於取消通益公司仍執前議案暨取消滄獲四處統稅局仍執前議案均尙未准咨覆相應咨請貴省長查照分別迅覆爲盼此咨

直隸省長王 爲咨復事案准貴會來咨催復取消通益公司暨取消滄獲四處統稅局兩案等因准此查取消通益公司案前准貴會咨行到署業經令行井陘礦務局迅將以後銷煤辦法妥籌復奪在案茲准前因除將取銷統稅局一案另案核辦並令催井陘礦務局速復外相應先行咨復貴會查照此咨 民國

十二年四月十日

咨請省長再嚴行查禁華商賽馬會開賽文 民國十二年四月三日

爲咨請事茲據本會常駐委員會函稱查去年常會期內本會議決禁止華商賽馬會一案曾准省長咨復令行警察實業兩廳遵辦在案茲閱津埠各報載有直隸華商賽馬會舉行春賽廣告內稱定於本年陽歷四月六七八等日仍照向章開賽等語殊深詫異查此案既經省長令飭警廳查禁該商仍敢刊登廣告定期開賽實屬藐視法令合亟咨請省長立予查禁以維原案而息賭風實爲公便等語據此相應咨請貴省長查照迅申前禁希卽見復至緝公誼此咨

直直省長王 爲咨復事案准貴會咨以直隸華商賽馬會舉行春賽請立予查禁以維原案而息賭風等因查此案前據該會以春賽在卽縷陳立案手續內部糾葛賭博嫌疑各項情形呈請到署當以滬漢馬會是否在市政機關註冊本署無案可稽曾經分咨內務農商兩部查核在案准咨正擬轉行間適據實業警察兩廳會呈稱據直隸華商賽馬會董事會呈稱爲華商賽馬會春賽在

卽風聞省長因註冊關係有暫行制止之議懇請准予照舊開賽以維對外公  
用事竊商等前在津組織賽馬會係援照滬漢成例辦理以提倡馬政發達市  
面並振作人民尙武精神挽回外國賽馬會之權利爲宗旨於民國七年九月  
呈明省長開辦在案並蒙大總統暨巡閱使省長頒給匾額銀盃等以爲提  
倡五年以來規模粗具外國馬會亦來合賽城南市面日見發展是於增進國  
體振作民氣頗收效果二月十四日又屆本年春賽之期乃聞因註冊關係內  
部糾葛及省會疑慮有暫行制止之議查春賽賽馬業已馴練成熟馬主馬師  
早經預備一經停止損失至鉅且與外國馬會有聯絡關係設華商一方制止  
而洋商照舊辦理是對於華洋未能平視似於國體上亦不無關係擬請我廳  
長轉呈省長此次姑准照賽至註冊問題做會祇要法律有所規定無不亟願  
遵守內部糾葛董事等業經辭職股東與股東當然以多數爲依歸惟議會謂  
做會有賭博之嫌疑卽做會亦極願有所表禱應請貴廳對於做會之賽馬次



數及競獎方法仿照外國馬會成例嚴爲取締尤爲紉感並於所得贏餘之中酌量提做慈善事業以爲本會並非爲俸利之表示所有賽馬會請求開賽情形及春賽日期暨請求特派專員嚴重監視各情形理合請鑒核批示以便祇遵實爲公便又據該會股東聯合會吳天民等呈稱爲馬會董事蒙蔽官商據實陳明仰祈鑒核事竊商等前因直隸華商賽馬會董事等種種違法節經呈請查辦據復屬實在案不料該會董事等胆敢目無法紀一手遮天竟將鈞署制止開賽之訓令匿不公布亦不解決內部糾紛擅自呈請開賽實屬兒戲官憲玩視股東且非尊重本省當局及地方議會之意商等幼讀詩書粗知義理不甘同污矢願廓清除聯同卞紳月庭吳紳調卿登報聲明在馬會內部違法各節未解決以前概不就任一切職務外猶恐該會董事等捏造意思欺瞞官廳爲此呈請鈞署依法查辦照章制止以保股權而彰威信各等情據此查該賽馬會糾葛一案前奉鈞署令飭先行制止營業等因業經職廳等會同令飭

該賽馬會先行停止營業以免糾紛並呈復鈞署鑒核各在案茲據前情究應如何辦理之處職廳等未敢擅擬理合呈請鈞署鑒核指令祇遵實爲公便又據直隸華商賽馬會呈稱此次敝會請求准賽實係對外信用及國體關係絕對無牟利之心茲經本會同人議決此次賽馬所得除照例充獎及正當開支外如有餘欸掃數捐充益善事業並呈請警察廳委派專員查核收賬俾免賭博嫌疑乞賜鑒核又據該會董事朱曜呈稱現聞一二股東以私忿未逞仍思有破壞之舉伏查賽馬之期已屆對外皆已通告設一禁止損失固不敢計而對外信用完全喪失且外國馬會及滬漢華人馬會事同一律獨天津馬會受不平等之處分因與同人公議此次賽馬絕對不准收益除照例獎勵及正當開銷外儘數捐助公益並呈請警察廳派員查核收賬俾無隱蔽以免反對者有所藉口似此辦理則省會之建議自無問題而對外之信用亦不至喪失矣各等情據此並據警察廳轉呈前情查該賽馬會既無賭博嫌疑又請警察廳派

員查賬其取款儘數捐助公益自應姑准照賽除立案手續及內部糾葛兩項應俟部覆暨實業廳查明呈復再行分別令遵外相應照抄原呈咨請貴會查

照此咨 民國十二年四月十八日

計抄原呈一件

呈爲賽馬會春賽在卽請准予照舊先行開賽以便商民事竊查商等前在津組織華商賽馬會因鑒於各國通商大邑必有此會所以提倡馬政發達市面並藉振作人民之尙武精神法良意美與世界各國所立馬會並無歧異且外人在我國津漢滬閩粵各地皆已設立馬會歷數十年各該處地方長官久已視爲應有每值春秋二賽官商皆放假往觀足徵隆重而洋商對於華人每加輕視設種種苛例以爲取締我國民引爲深憾是以滬漢華商特設馬會於前而津埠相繼成立於後凡所以表示我國國民競立之精神卽所以表示我國地方長官行政持平之美意也自商等提倡以來海內名流羣願出資外國馬

會亦來合賽辦理五年中外允洽屢蒙 大總統頒賞匾額及紀念銀盃又迭承巡閱使省長頒賜銀盃並親臨視察以資鼓勵城南市面日見發達燕北健兒益展控縱是此會對於國家及社會不無裨益已足徵證乃風聞天津警察廳奉鈞署令開案准順直省議會咨開查賭博惡習各國懸爲厲禁非必顯然賭博也卽巧借賽會之名而陰行賭博之實亦在被禁之列卽如賽馬一事各國多有行之者雖亦賭賽勝負實重尙武試馬故每年止有二次每次限期三日蓋寓有春蒐秋獮之意且開賽之先必經官廳允許非可由商人任意組合也惟天津近年所組之華商賽馬會農商部既未批准立案復經直隸實業廳批斥不准在案乃該會公然自由組合實行開賽其內幕純係賭博性質故一年不定若干次每次不定若干日引誘一般市民如瘋如狂日日顛倒於孤注一擲之中因之廢時失業蕩家敗產者時有所聞而彼爲該會股東者均已囊括金錢飽載以去是賽馬會不啻坑人之陷阱也豈可任其肆行無忌以詐欺

取財搖蕩民生哉尤可異者此種變相賭博之場合明明已經官廳批駁不准今竟悍然行之而官廳絕不干涉禁止是何爲者長此姑息深恐奸商益肆狡謀社會益趨墮落亟應咨請飭令警察機關迅將華商賽馬會嚴行查禁以杜奸計而絕賭風當依省議會暫行法第十六條第九項之規定提出建議業經大會依法可決相應咨請查照辦理實紉公誼等因准此查此案前據該會股東聯合會呈請制止營業等情到署業經分行查議有案在該會內部糾葛未清及未遵照公司條例註冊呈准立案之前自應先行制止營業以免紛擾等因傳聞如此不勝駭愕謹再分別情形爲我省長縷細陳之（一）立案手續查法律者所以保護人民之權利商等極願有所遵守而賽馬會法國家尙未頒行則此項團體應遵照何種法律註冊實有研究之價值今既無此單行法故不得不舍法而言例各國對於此種馬會皆視爲與地方關係最切近屬於市政範圍賽馬售票乃係獎勵性質不得以營業論故不註冊於農商部而註冊


於市政機關滬漢馬會仿而行之亦皆有案可稽津馬會事同一律而實業廳責令註冊與各國成例不符與滬漢相異致本會未敢盲從立案久事稽延誠爲遺憾但組織之初曾於民國七年九月間呈明省長在案並非私行辦理以商等愚見該會仿照世界公例列入市政範圍則所在地易於取締而地方行政及慈善事業諸端亦皆易於接洽若列於公司性质實在股東視爲謀利責以營業反易滋流弊(一)內部糾葛查本馬會在法律地位既未能確定故內部章則亦因之未能完備致起股東之責難刻本會董事等因上項關係業於本年二月四日第一次緊急臨時股東會提出辭職三月二十四日第二次緊急臨時會改選法律問題解決後更修改章程厘定組織呈請批示立案以資遵守必能妥協周備俾無間言(二)賭博嫌疑查賽馬獎勵中外所同各國對於賭博無不嚴禁而對於賽馬反加提倡者足征順直省議會對此實有所誤會也惟省會爲一省代議機關對於杜漸防微之建議係其當然責任故本會爲

尊重起見不爲是非之辯明而爲自身之省察應請省長對本會之監督取締從嚴於每季所賽次數及售票本位比較外國馬會不得加多以免流弊而本會於董事之外再添選監查三人並規定其檢查之權以爲牽制並擬於賽馬獎券之中酌抽盈餘以充辦本埠慈善各事以明素志則嫌疑自可泯除矣津埠爲華洋雜處之區中外觀瞻所在行政不得其平人民必起紛擾春賽在卽且有對外國馬會合賽信用關係不得不請求省長將上項陳述俯賜鑒核批准先行照舊開賽實爲公便至本會章程業已修改就緒一俟批示卽當呈請鑒核並以附陳謹呈省長鈞鑒

具呈人直隸華商賽馬會董事會






A decorative border with a repeating floral and vine pattern surrounds the text.

順直省議會第三屆第二期常會文牘類要

順直省議會

文牘類要

A decorative rectangular border with intricate floral and scrollwork patterns, framing the central text.

中華民國十二年六月  
天津公園內教育印書處印



3 0568 6876 7

致各議員到會並告展期函 民國十一年十月二十日

敬啟者查本會十一年常會前經公決十月二十日開幕現已屆期尙未足法定  
人數不得已展至十一月一日開會萬難再延務祈早日趕程蒞津以便屆期開  
議無任企盼專此敬頌台祺

致本會各議員請屆期早集會場函 民國十一年十月三十日

敬啟者本會定於十一月一日上午十鐘舉行十一年常年大會開幕禮除咨請各省區行政長官蒞會外相應函知貴議員希即屆期早集會場無任翹企恭頌  
台安

附呈秩序單一紙

致直隸警務處長請飭撥軍樂隊函 民國十一年十月三十日

敬啟者本會十一年常會定於十一月一日上午十鐘行開會式除咨請省長蒞會並令行各行政官一體惠臨外用特函請貴處長希即飭撥軍樂隊到會以重儀式而壯觀瞻是爲至禱此致

附錄直隸全省警務處復函

敬復者案准貴會公函開云云(原文見前)等因准此除飭廳屬軍樂隊屆時早赴貴會用備指揮外相應函復貴會查照此致 民國十一年十一月二日

覆古治林西開鑛工友俱樂部請願書函 民國十一年十一月六日

逕啟者查本會議事細則第一百六條內載請願者應作請願書記載請願之旨  
趣及其籍貫住所職業年歲提出之年月日各自署名蓋章由議員五人以上之  
介紹提出於本會不具備以上之形式者概不受理又第一百七條內載法人之  
請願其請願書由代表者署名蓋法人印章但私法人請願並須有議員五人以  
上之介紹各等語茲閱貴請願書係用私法人名義與上兩條多有未合未便受  
理備貴俱樂部有請願之必要請照上兩條規定辦理再行提付大會公議以符  
法定手續原書奉還卽希查取爲荷此復

覆上海南洋交通大學學生田成文等請給官費請願書函

民國十一年十

一月六日

逕啟者查本會議事細則第一百六條內載請願者應作請願書記載請願之旨趣及其籍貫住所職業年歲提出之年月日各自署名蓋章由議員五人以上之介紹提出於本會不具備以上之形式者概不受理等語茲閱貴請願書不合法定程式未便受理如貴學員等有請願之必要請依上項規定辦理再行提付大會公議以符法定手續原書奉還卽希查取爲荷此覆



致省長於本月十三日下午派員蒞會函  
民國十一年十一月十一日

敬啟者案准貴省長咨送恒源紡紗公司應以官股所得股息紅利作為本省興辦實業之用案已經列入議事日表並擬於本月十三日下午二鐘開會討論屆期即請派員來會說明該案旨趣以免有所隔闕至緝公誼此致

附錄省公署復函

敬復者案准貴會函開云云(原文見前)等因准此除令派實業廳廳長于振宗屆時前往接洽外相應函復查照此致  
民國十一年十一月十三日

致全會委員會委員長暨各委員會委員長理事委員就職函 民國十一年

十一月十二日

逕啟者本會全會委員會與各股委員會業已依法選舉通行竣事貴議員當選

爲

(全會委員會委員長  
法股委員會委員長  
法股委員會理事)

虔祈卽日就職共勵會務進行無任盼禱恭頌台安此致

附呈被選名單一份

致教育廳將河北大學成立時經費原案送會函 民國十一年十一月十四日

敬啟者案據本會預決算委員會報稱本委員會刻正審查預算案內教育一門所有河北大學成立時關於經費原案應請函達教育廳尅日檢送以備參考等情相應函請貴廳查照尅日檢送無任盼禱此致

附錄教育廳復函

敬復者案准公函囑將河北大學成立時關於經費原案尅日檢送以備參考等因准此相應照錄原案函送貴會希即查照此致 民國十一年十二月十九日

附抄原案一件

直隸省長公署訓令 第四五六五號

令教育廳

案據河北大學校呈稱竊查做學組織之法係將直隸高等師範學校直隸農業專門學校直隸醫學專門學校直隸私立法政專門學校歸併爲河北大學

此係巡閱使之鈞意副經籌備委員會迭次開會議決者也故款項一節則以  
以上四學校之款暨每月所領之五千元爲常年經費此款項歸併之情形也  
至地址一節則以省立第六中學校農業專門二處全部統歸敝學高等師範  
因歸併敝學亦移設於此而第六中學校則移於高等師範學校惟第六中學  
校僅佔師範東部之大半其餘西部少半之房舍則師範附屬小學校移居該  
小學校原住之房舍暫借衛生醫院衛生醫院之地址係借用於農業專門學  
校又因近接敝學歸爲敝學醫科將來建築醫院之用此地址遷移之情形也  
以上兩項均前經委員會議決而各該校已遵照辦理擬請省長立案施行俾  
有所依據方推行無阻除分呈巡閱使外理合具文呈請鑒核等情據此除指  
令准予備案併分行外合行訓令該廳仰卽查照此令

致省長請派員說明交議案詳情函 民國十一年十一月十四日

逕啟者前准咨交接修京津馬路需款統由捐務處撥款應歸入十年度決算案內辦理及金華橋移設北大關暨拆房發價出入數目清冊並咨行省銀行爲臨城礦務局墊借上海蘭杆公司之款應在修治府河借款內撥付請查核見復各案已經列入議事日表惟各案均與本省財政及預決算有關最宜出以慎重急應函請貴省長卽行派員於本月十五日下午三鐘到會說明案內詳情以憑審議實爲公便此致

附錄省公署覆函

逕覆者接准大函以本署前次咨交接修京津馬路等案撥付各款已列入議事日表囑卽派員到會說明案內詳情以憑審議等因准此茲派本署第二科科長馮文洵前往貴會出席屆時希卽接洽實紉公誼此致 民國十一年十一月十九日

月十九日

致熱河都統派代表接洽七厘公債暨欠款函 民國十一年十一月十六日

逕啟者前准貴都統咨交發行七厘公債一案當經本會依法提付大會公議僉謂公債關係人民負擔地方情形真相莫明無從討論亟宜派遣代表與貴都統當面接洽期得真相以便審議又貴區欠解本會十及十一兩年度經費爲數甚鉅本會艱窘異常無法墊借貴區議員在津者生活幾難於維持亦宜委派代表面懇從速籌解以濟急需茲經大會公推本會徐議員紹宗畢議員景山二人代表前往虔祈貴都統立予接洽將上述兩項問題研求至當辦法實紉公謹此致

附錄熱河都統署公函

逕復者本年十一月十八日准貴會函開前准(原文見前)云云等因准此查熱區地方遼闊伏莽滋多原有陸防各軍不敷分布不得不借助毅軍擇要填駐願毅軍餉項雖隸中央而國家財政支絀無可諱言迭經本兼都統分向財陸兩部苦口力爭數月以來略有端緒而陸續積欠仍將近三十萬之譜本兼

都統身任地方責無旁貸每思朽索六馬之危當爲未雨綢繆之計顧點金乏  
術仰屋徒嗟不得不借助地方用以維持秩序且兩害相權必取其輕惟募集  
地方公債一法較之苛斂捐輸稍爲穩善此必須發行公債之情形也至本兼  
都統前次咨交貴會案在十月一日咨文係由北京出發嗣聞當時貴會亦有  
請求緩發公債咨文遂交熱河都統公署時日相近彼此兩歧并非於接准貴  
會咨文之後又行咨交也至於案未議決之前業經派委分募一節委因十月  
初間貴會之臨時會業經閉幕常年開會尙未定期而事關軍餉急於星火募  
債一事又非咄嗟所能辦不得不積極籌備俾免稽延并非不顧民意含有強  
制執行之性質此咨交及派募之經過情形也至於募債亦餉以地方加稅爲  
擔保証一節查毅軍既屬國軍所有餉需自應由國家擔任顧中央証品一時  
既無可指名與其徒託空談不若近求實際故以地方出款仍還之地方雖云  
加重負擔尙有切實保證且國軍欠餉財部終須負責一俟全數籌還卽當以

此項遺款作爲發展教育推廣實業之用決不以人民血汗之資擲諸無窮難盈之壑此以地方加稅二成爲募債擔保之實在情形也至於債額六十萬元本係具體規定將來實地募集自當以財力之盈虛爲多寡之支配亦非無伸縮餘地總之貴會爲愛護人民起見故無分省界不憚爲詳慎之研求本兼都統以保全大局爲懷故思患預防并非作無端之搜括事實俱在可考而知此不得不希望貴會曲爲諒解者也又欠解貴會經費一節查熟區議員歲費原有指定專款本兼都統蒞任以後所有第三屆省議員歲費自當從速籌解以後并當源源接濟惟舊年積欠貴會既以維持議員生活爲言尙祈暫緩扣墊以上各節貴會代表徐畢兩議員到京業經面爲接洽本兼都統不日仍當派遣代表親赴貴會說明以資討論而符手續先此函復統希鑒察實紉公誼此

復民國十一年十一月二十三日



致省長對於井陘礦務局改辦案從緩簽字派局長說明迅速卷宗函

民國

十一年十一月二十五日

直隸省長公鑒前准貴省長咨交直隸井陘礦務局改辦合同一案業由本會公議交股審查并咨請貴省長將該礦局舊有合同暨中德協約並關於該局沿革一切卷宗檢齊咨送在案迄今尚未准咨交茲經本會動議以該礦局用人一事關係尤爲重要偶一不慎誠恐受人以柄將本省利權被外人攫奪以去使直隸財產有名無實則貴省長與本會均難卸責頃聞該礦局工程師等有聘定消息尙未簽字千祈貴省長迅飭該局長從緩簽字靜待本會審查終咨復核辦至該局改辦一切情形並應飭該局長到會說明免滋疑慮一面將前項咨請檢送各項卷宗迅交到會以便審查而付公議無任盼禱除已公推胡議長國賓吳議長得祿壽議員秉鈞宋議員煥彩當面接洽外相應函請省長查照迅速辦理爲荷此致

附錄省公署覆函

逕覆者案准大函請飭井陘礦務局徐局長到會說明井陘礦改辦一切情形  
並催送咨請卷宗等因准此查前項卷宗業經抄送在案除令行徐局長查照  
辦理外相應函復查照此致 民國十一年十二月四日

致財政廳檢交鹽業銀行借款合同賑災公債文卷各機關十一年度預算

細冊函 民國十一年十一月二十八日

逕啟者案查省議會暫行法第十六條第二項內開議決本省預算及決算等語查審查預決算事極繁難非將關於案內一切文卷調齊不能入手茲據本會預決算委員會請調取鹽業銀行借款合同暨賑災公債卷及各機關十一年度預算細冊等案前來相應函請貴廳迅將三宗卷冊檢齊逕送本會以便參攷至紉公誼希卽查照辦理爲荷此致

附錄直隸財政廳復函

逕復者頃准函開查審查預決算事極繁難非將關於案內一切文卷調齊不能入手茲據本會預決算委員會請調取鹽業銀行借款合同暨賑災公債卷及各機關十一年度預算細冊等案前來相應函請貴廳迅將三宗卷冊檢齊逕送本會以便參考等因查各機關十一年度所送預算冊早經由廳於八

月間備函逕送貴會在案應請就近飭查檢閱茲將賑災公債卷一宗暨鹽業  
銀行借款合同一件一併遵屬備函送上卽祈察收用畢仍乞見還歸檔至借  
款合同關係重要并望於審閱後先行送還尤紉公誼此致 民國十一年十一

月二十九日

附卷一宗 合同一分

This image shows a scan of a blank page from a book. The page is mostly white with some dark speckles and noise. On the right side, there is a dark vertical strip, likely representing the book's binding or gutter. The page is framed by a thick black border.

致直隸財政廳預選專員屆時電邀到財政公開特別會以備諮詢函

民國

十一年十二月一日

逕啟者案因本會爲審查財政公開一案組織特別委員會業已成立擬自十二月二日起開始審查應請貴廳預選專員隨時由電話邀請到會以備諮詢而資簡便先此馳佈希卽查照辦理爲荷此致

致省長另派委員到會出席說明金華橋移設北大關及金鋼橋橋價暫由

銀行息借兩案情節函

民國十一年十二月四日

敬啟者案查前准貴公署咨復金華橋移設北大關及拆房發價出入數目清冊一案當經本會函准貴省長特派第二科科長馮文詢於十一月十七日出席說明此案旨趣經本會議員當場質問案內因移橋騰出河流廢地現已逐漸墾平開始建築究係如何處分特派員無明瞭之答復碍難審議又前准貴公署咨交金鋼橋橋價暫由銀行息借請查照備案一案亦經提出大會公同討論因案內情節多欠明瞭亦有說明之必要相應一併函請貴省長遴派熟悉以上兩案始末情節人員到會分別說明以資參証而憑審議無任企盼此致

附錄公署復函

逕復者接准公函以金華橋移設北大關騰出廢地如何處分暨金鋼橋橋價暫由銀行息借兩案情節多欠明瞭請派員到會說明等因茲派德山前往說明

屆時希即接洽實級公誼此致  
民國十一年十二月十二日



致省長京津馬路案用書面答覆函 民國十一年十二月四日

逕啟者案查前准貴公署咨交接修京津馬路需款統由捐務處撥款歸入十年  
度決算案內辦理一案當經列入十一月十七日議事日表並函准貴公署第二  
科科長馮文詢於開議時到會說明該案旨趣各在案惟本會對於該案疑點有  
三一京津馬路由北京至楊村一段暫用紅十字會款何以自楊村至天津一段  
又必用直隸省款二該馬路究竟屬於國有屬於省有三該馬路如係省有當然  
先交省會通過方能興修如係國有何以修完之後又交本會追認備案馮特派  
員對於以上種種疑點均無圓滿之答復本會認爲不得要領碍難討論當經大  
會公議僉謂仍宜函請貴公署迅將此案原委及上項種種要點用書面詳細答  
復以期明瞭而便審議相應函請貴省長查照辦理無任盼禱此致

附錄省公署覆函

逕復者案准函開以咨交接修京津馬路需款由捐務處撥款歸入十年度決

算案內辦理一案提出疑點三項請用書面答復等因准此卷查京津馬路當時本係紅十字會組織之馬路委員會以工代賑之計畫但目楊村至天津一段因洋工程師與當地人民屢生齟齬停頓多日始由直隸接辦而接辦時已在馬路委員會解散以後與該會已無關係前省長以地屬直境爲保持路權起見飭由捐務處撥款接修以竣全工此京津馬路楊村至天津一段由直隸修築之原委也此段馬路既如上述自不能指爲國有當該路接修之際正貴會閉會期內爲速成要工計不能不從權辦理此次咨請追認手續亦屬符合茲准前因相應函復查照此致 民國十二年一月四日

致省長省銀行墊借臨礦上海欄杆公司欸案用書面答復函 民國十一年

十二月五日

逕啟者案准貴公署咨交省銀行爲臨城礦務局墊借上海欄杆公司之欸應在修治府河欸內撥付請查核見復一案當經列入十一月十七日議事日表並函准貴公署派第二科科長馮文洵到會說明該案旨趣各在案查臨礦係華比合辦該礦前借欄杆公司債欸案內聲叙由省行舊存紡紗欸內攤還其有無利息及合同未曾聲明無從審核至前議決修治府河動用紡紗息金一節案內既稱並未動用應仍存作紡紗息金乃以此欸移撥臨礦借欸亦殊難解特派員對於以上要點均無圓滿之答復本會認爲不得要領無憑核議當經大會討論僉謂仍應函請貴公署迅將此案原委及各種要點用書面詳細答覆以期明瞭而付審議相應函請貴省長查照辦理無任禱盼此致

附錄直隸省長復函

逕復者案准貴會函開請將咨交省銀行爲臨城礦務局墊付上海欄杆公司借款應在修治府河款內撥付一案原委及各種要點詳細答復等因准此查省行舊存紡紗款內代礦局撥還欠款係移緩就急暫行代墊未曾訂立合同更無利息之可言至用修治府河之款移撥省行代墊臨礦借款亦係暫行挪用將來卽由臨城礦務局如數撥還以清欸目前咨已聲明在案茲准前因合再抄錄此案節略一紙函送貴會查照此致

民國十一年十二月十三日

### 附節畧

八年二月臨城礦局應需經費受歐戰影響未能籌欸北洋亦無欸可借擬與上海欄杆公司借銀十五萬兩以臨礦財產現存及將來所開之煤作擔保品言明一年爲期利息一分屆期本利如數清還如逾九年四月一日不還則欄杆公司代表可提礦局財產之一部發賣其售賣轉運各費由礦局負擔得價餘欸退還不足仍得續提此合同由邊督辦洋工程總辦馬楣公司代表麥邊

會同簽字呈准備案九年五月省行呈報奉面諭於九年四月一日在直隸紡紗廠利息項下墊付礦局撥還公司借款本利規元銀十五萬七千五百兩取具臨礦邊督辦劉繩辦收據在案並未訂立合同八年四月間疏濬津保河道擬由紡紗利息十三萬餘兩暫行動用將來由船捐收欸撥還（卽修治府河工款）咨准省會議決復請擬簡章交會審議令據河務局呈俟工竣再行酌定簡章已咨省會查照有案本年七月間前項簡章尙未定妥適據省行呈以前代礦局墊付借欸已逾二年請示如何歸還查連年災歉無法籌措以前准省會議決修治府河借欸內照數撥付係暫時挪用將來由臨城礦局撥還

致財政廳將天津工巡捐務處十年度取捐底冊及章程於三日內函送到

會函 民國十一年十二月十一日

逕啟者案據本會預決算委員會報稱本會現在從事審查本省各機關預決算案關於天津工巡捐務處十年度各種收捐數目及取捐章程未明真相無從審查亟應函請貴廳將上開各項底冊并章程務於三日內函送到會以爲審查標準等語相應函請貴廳查照速送爲荷此致

致財政廳檢送本省新舊債款合同並各項募債案卷函

民國十一年十二

月十二日

逕啟者案據本會特別委員會報稱本委員會正在從事審查本省財政公開案所有直隸省新舊各項債款合同並各項公債募集案卷若非全數調齊審查無從着手亟應函請財政廳一併檢送到會以備攷核等情據此相應函請貴廳查照速送無任翹盼此致

附錄直隸財政廳復函

逕覆者案准貴會函開案據本會特別委員會報稱本委員會正在從事審查本省財政公開案所有直隸省新舊各項債款合同並各項公債募集案卷若非全數調齊審查無從着手亟應函請財政廳一併檢送到會以便考核等情據此相應函請查照速送等因准此查各項債款合同關係綦重往返檢送稍有不虞失干係非輕未敢率行檢送各項合同底稿具載檔案交涉始末經歷情

形卷內備詳檢卷查閱便可瞭然如必須檢閱正式合同之處祈先電示再行  
專員覆奉至各項債款卷宗本廳時須檢查若全數檢送公務必致停頓茲特  
檢出關於債款卷十八宗開單派員送上以備考核此外各件如遇審查時並  
祈隨時電示當即專員送閱專此奉復即希查照附上各卷用畢仍祈擲還歸  
檔至緝公誼此致

計函送清單一紙 卷十八宗



This image shows a scan of a page from a book, characterized by vertical ruling lines. The page is mostly blank, with some faint, illegible markings and a small dark smudge on the right side. The ruling lines are evenly spaced and run vertically down the page. The page is framed by a dark border, likely the book's binding or the scanner's edge.

致教育廳將現在領用省款各校學生班數人數於三日內函送到會函具

十一月十二日

逕啟者案據本會預決算委員會報稱現在本會委員會正從事審查本省各機關本年預算案關於教育部分領用省款各校現在學生班數人數未知真相無從查悉亟應函請貴廳將現在領用省款各校學生班數人數彙抄清單於三日內函送到會以爲審查預算標準等語相應函請貴廳查照速送至爲盼禱此致

附錄直隸省教育廳覆函

逕啟者十二月十二日接准貴會公函開云云(原文見前)等因准此當即調集冊卷彙列清單津埠各校並經面與勘對無訛其津埠以外學校係按冊報數目填列班數人數大致不差而詳細確數小有出入勢所難免相應連同清單函覆查照此致 民國十一年十二月十五日

附清單一件

直隸省立各學校 十年數

校名	學生數	班數	備考
北洋大學	三三〇人	一七班	
河北大學	一五〇	三	
專門醫學	八九	三	
專門法政	四六〇	一四	
專門農業	一四一	五	
專門工業	三〇一	一四	
高等師範	二二一	四	
甲種水產	七三	五	

甲種工業	二三九	七	
第一師範	四〇五	一二	附屬小學不在內 用七一八六〇元
第二師範	三三一	九	同上 用五八〇七二元
第三師範	一九七	六	同上
第四師範	三〇五	八	同上
第五師範	一七五	五	同上
第一女師範	三一五	九	同上
第二女師範	二六五	七	同上
第一中學	六三三	一四	四二六四〇元
第二中學	二九六	八	二二三六三元

順直省議會第三屆第二期常會文獻類要

函類

十五

第三中學	一二五	六	一六二七七元
第四中學	八〇	四	一一八七六元
第五中學	一七二	五	一三四七八元
第六中學	四四六	一〇	二九一三四元
第七中學	三五二	八	二二五一〇元
第八中學	二二六	四	一〇四〇四元
第九中學	二六八	六	一三七〇〇元
第十中學	一七二	四	一〇七七七元
第十一中學	一七八	六	一四七八九元
第十二中學	三〇六	七	一五〇〇四元

第十二中學	三〇六	七	一五〇〇四元
第十三中學	二三〇	七	
第十四中學	一一五	四	
第十五中學	九〇	四	
第十六中學	二〇五	七	
第一模範	七〇八	二	二三〇一六元
第二模範	三六七	七	

順直省議會第三屆第二期常會文牘類要

公函類

十六

致工業試驗所將月報細冊送會函 民國十一年十二月十五日

逕啟者案據本會預決算委員會報稱查工業試驗所十一年度支出預算細冊有審查之必要亟宜函取該所月報冊交由本委員會詳核等情相應函請貴所查照即將十一年度月報細冊檢交本會以憑審議爲荷此致

附錄工業試驗所復函

敬復者頃奉函示將十一年度月報細冊檢交本會以憑審議等因茲將 敝所

十一年度支出預算月報細冊六冊檢齊送呈祈查取是荷惟該冊係 敝所存

案底冊貴會審議畢仍希擲下實紉公誼專此復致 民國十一年十二月十六日

附支付預算書六冊

致警察廳凡關於金華橋及金鋼橋兩案卷宗迅速送會函

民國十一年十

二月二十三日

逕啟者金華橋移設北大關一案曾准省長咨派貴廳德科長到會說明一切惟查金華橋移設緣起實以舊有河道裁灣取直爲主因該橋移設發價等事既有卷冊則原有河道地址爲數若干及處理方法如何當亦查勘記載有案而曹前省長關於此案來咨祇以工費不敷爲言於前項地址如何並未叙及本會不無懷疑之點查此案始末統由貴廳承辦當然全卷具在貴廳卽請迅將凡關於移橋墊河及河道地址數目清冊并處理方法計畫書暨一切卷宗立卽送會以憑審議又金鋼橋橋價一案關於借款購料等事頭緒亦頗複雜非僅憑一時說明卽可了解亦祈將全案卷宗暨計畫書與前案各卷一併送會無任盼禱此致

附錄天津警察廳函

逕啟者案准貴會函開逕啟者金華橋移設北大關一案曾准省長咨派貴廳



德科長到會說明一切惟查金華橋移設緣起實以舊有河道裁灣取直爲主因該橋移設發價等事既有卷冊則原有河道地址爲數若干及處理方法如何當亦查勘記載有案即曹前省長關於此案咨禱以工費不敷爲語於前項地址如何並未叙及本會不無懷疑之點查此案始末統由貴廳承辦當然全卷具在貴廳卽請迅將凡關於移橋墊河及河道地址數目清冊并處理方法計畫書暨一切卷宗立卽送會以憑審議又金鋼橋橋價一案關於備款購料等事頭緒亦頗複雜非僅憑一時說明卽可了解亦祈將全案卷宗暨計畫書與前案各卷一併送會無任盼禱此致等因准此查天津濬河一案初因外交團之要求奉令挑挖嗣以外交預爲計畫工做預算六十餘萬元其中所擬拆房發價太廉而工程費太高種種條件有關國權體面且有碍於地方市政進行故津埠紳商本自治之精神呈請自籌辦理當時防範水患急於星火裁灣取直限期僅只兩月有餘一經收歸地方自辦則一切略地挖河拆房發價

等事頭緒紛繁欲爲通盤之計畫其勢又不能不逐項核實進行故一面籌畫  
一面動工凡遇一事必由平爵內顧問測勘紳商會議確與地方有益而與公  
款無費公衆認可後方能實行一切支款均由紳商監督支發取具契據封存  
備案曾於民國八年一月將會同紳商辦理濬河各事宜開具清冊呈請前省  
長曹鑾核並奉指令將全卷悉交濬河事務所董事等接收由前省長曹督同  
核辦目下該所已將全段河工告竣請將餘地出售歸還息借欠款出入足資  
相抵惟自開辦至今濬河以外尙有紳商認可本廳呈准展寬各處馬路等項  
工程屬於市政進行用途者七萬餘元亦在濬河項下挪撥此濬河之大概情  
形也至於移設金華橋於北大關原因河北大街窄狹浮橋坎坷難行往來通  
衢時有塞塞商民因感不便集議自退馬路要求移設鐵橋此爲市政之便利  
自不能不撥款興辦以成路政市政之要端此與濬河事務兩無關碍之情形  
也至新鐵橋之購置係因舊橋頹窳不耐重載經平爵內工程師查勘橋基亦

有不固之勢當此河道加寬衆河匯流之處既恐不免於危險而且寬連海河  
若輪船駛入重貨往來更難適宜此奉前省長面諭之計畫所以急須進行者  
也茲准前因理合聲叙大概情形並將本廳奉令辦理各項卷宗擇由開摺函  
送貴會希卽查取核閱並祈掣給收據爲據再查濬河卷內出入賬簿及紳商  
監視發欸一切契紙收據等件均隨時包封交存本廳件數甚多不便開送職  
此之故特此聲明聽候貴會派員來廳檢閱合併陳明端此奉復此致

一年十二月二十七日。

計函送案卷擇由清摺一冊並案卷三十一宗

致財政廳限三日內將恒源紡紗公司每年所得紅利總數送會函 民國十

二年一月十日

逕啟者茲經本會討論預算全案公同議決請貴廳將恒源紡紗公司由開辦迄今每年所得紅利若干總數若干限函到三日內開單送會以便完結預算案專此佈達希即查照辦理爲荷此致

附錄直隸財政廳復函

逕復者案准貴會來函囑將恆源紡紗公司由開辦迄今每年所得紅利若干總數若干開單送會以便完結預算總案等因自應照辦相應將八年至十年所得官息紅利查照該公司單開數目開具清單函送貴會查照此致 民國十

二年一月十三日

計送清單一紙

今將八九十三年恒源紡織公司解到官息紅利銀數開送查核

計開

八年開辦起至九年底止應得官息洋五萬二千二百七十五元

又

紅利洋三萬六百元

以上共洋八萬二千八百七十五元除由該公司逕撥高等工業學校建

築費洋三萬八千五百五十六元一角八分七厘外實淨解到洋四萬

四千三百十八元八角一分三厘

十年分應得官息洋三萬六百元

又

紅利洋三萬五千七百元

以上共洋六萬六千三百元

統共解到洋十一萬六百十八元八角一分三厘

至十一年分應得官息紅利若干尙未接准報告合併附及

致本會各區同人每區推舉一人於下次開會前開單送會函 民國十二年

一月十五日

逕啟者案查本會議事細則第四十四第四十五兩條之規定應由各區推舉常駐委員現已閉會在即自應依法舉行業經大會公決由各區同人各自推舉務於下次開會以前開單送會以便開會時報告大會公認無任盼禱恭請

致京兆尹送還金庫券案卷一宗函 民國十二年一月二十二日

逕啟者前准貴尹函送金庫券案卷一宗當即收領在案現該案業由本會審議完竣該項卷宗相應備函送還祈即察取見復至紉公誼此致

計送還案卷一宗

附錄京兆尹咨復

為咨復事准貴會函開云云(原文見前)等因准此查前項案卷業經本署照取相應咨復查照此咨 民國十二年二月五日

致財政廳送還

賑災公債卷一宗  
鹽業銀行借款合同

函 民國十二年一月二十二日

逕啟者前准貴廳函送賑災公債卷一宗鹽業銀行借款合同一件并聲請用畢見還歸檔等因現該項卷宗業經本會預決算委員會審查完竣合行送還祈即察取見復至紉公誼此致

計送還

賑災公債卷一宗  
鹽業銀行借款合同一件



致工業試驗所送還預算細冊函 民國十二年一月二十二日

逕啟者前准貴所函送十一年度支出預算月報細冊六冊並聲請審議畢仍希  
擲下等因現該項細冊本會已審議完竣合行送還祈即察收見復實紉公誼此  
致

計送還 預算細冊六本

致警察廳送還金華橋金鋼橋兩案卷宗函 民國十二年一月二十二日

逕啟者前准貴廳函復金華橋移設北大關暨金鋼橋橋價各案並送來案卷三十一宗與清摺一扣現該項卷宗業由本會審查完竣合行將原卷送還希即察收見復此致

計送還清摺一扣並案卷三十一宗

附錄警察廳復函

逕復者案准貴會函開云云(原文見前)等因准此當將案卷三十一宗并清摺一扣照數收清相應函復貴會查照爲荷專此奉復敬頌 民國十二年一月三十一日

致直隸財政廳送還各項債款各卷函  
民國十二年一月二十二日

逕啟者前准貴廳以本會特別委員會審查財政公開一案函送各項債款卷十八宗暨清單一紙并聲請用畢擲還歸檔等因現該項卷宗已經審查完畢合行送還祈即察取見復至紉公誼此致

計送還清單一紙債款各卷十八宗

致財政廳送還十年度預算分冊函 民國十二年一月二十二日

逕啟者案查本會前於民國十年三月二十二日准貴廳函送各機關十年度預算分冊六十七本暨清單一紙并聲請閱畢後送還歸檔等因現直隸省十年度預算業經本會審議完竣合行將原卷送還并祈察取見復至緞公誼此致

計送還清單一紙預算分冊六十七本

附錄財政廳來函

逕啟者本廳編就民國十年度直隸省地方歲入歲出預算表冊業經依限呈送省長轉咨審議在案茲將各機關原送十年度歲出預算分冊各檢一份開具清單備文送上藉便查考即請察入見復仍祈於閱畢後送還歸檔至緞公誼此致 民國十年三月二十二日

計函送清單一紙預算分冊六十七本

致財政廳送還十一年度預算分冊函 民國十二年一月二十二日

逕啟者案查本會前於民國十一年八月二日准貴廳函送十一年度各機關預算分冊七十五本暨清單一紙並聲請閱畢後送還歸檔等因現直隸省十一年度地方歲出入預算業經本會審議完竣合將原卷送還并祈察取見復至緞公誼此致

計送還清單一紙預算分冊七十五本

附錄直隸財政廳函

逕啟者本廳編就民國十一年度直隸省地方歲入歲出預算表冊業經依限呈送省長轉咨審議並將應行修正追加各款續行呈咨併案核辦各在案茲將各機關原送預算分冊各檢一份開具清單備函送上藉便查考即請察入見復仍祈於閱畢後送還歸檔至緞公誼此致 民國十一年八月二日

計函送

清單一紙預算分冊七十五本

順直省議會第三屆第二期常會文牘類要

公函類

二十四

復京兆尹送還十一年度地方歲出預算書并索還國家歲出預算書函

民國十二年二月二十三日

逕啟者案准貴公署以本會送還貴區前送十一年度地方歲出預算書是否封發錯誤咨請查明見復等因准此卷查委係封發錯誤除將前送十一年度地方歲出預算原書另檢附送外相應函請查照並將上次隨文送到之國家歲出預算書原冊送還以資參考無任翹盼此致

附前送十一年度京兆特別區域地方歲出預算書一本

附錄京兆尹公署復函

為咨復事准貴會函開云云(原文見前)等因准此除十一年度地方歲出預算書一本業已照收外所有前次送到十一年度國家歲出預算書相應咨還貴會即希察取此咨 民國十二年三月十二日

計咨送國家歲出預算書一本

致實業廳調取開灤礦局合辦合同暨該礦章程函 民國十二年三月三十日

一日

逕啟者茲因本會爲開灤礦產議價購回一案亟應致查開灤礦局合辦合同暨該礦章程之內容以備審議相應函達貴廳查照希即將關於該礦合同暨章程一并抄送到會無任盼禱此致

附錄實業廳復函

逕啟者案准貴會大函以開灤礦產議價購回一案亟應致查開灤礦局合辦合同暨該礦章程之內容以備審議將關於該礦合同暨章程抄送鈞會等因當經卷查關於開灤礦局合辦僅有草合同並草合同附件及正合同等件並無章程摺據應遵屬將前項合同等件照錄一份備函送上卽請貴會查核辦理此致 民國十二年四月七日

計隨送



開平礦局合辦草合同及附件一份

開平礦局合辦正合同一份

開平礦務總局聯合辦礦章程及附件

計開

一 開平礦務公司、欽州礦務公司爲發達營業起見聯合組織設一開平礦務總局該兩公司均仍其舊各照有限公司律例自行辦理此總局應照中國通行中外合辦礦章辦理呈請北洋大臣奏咨立案

二 按照本合辦兩公司之股本應各仍其舊計開平股本一百萬磅、欽州股本一百萬磅

三 兩公司議定總局接現有營業所得之利應照以下所開分派所有淨利在英金三十萬磅以內開平公司股東應得百分之六十分、欽州公司股東應得百分之四十分、過此贏餘之數應由兩公司股東平分嗣後總局與辦新

事業以及離現有之煤井另開機器太井所得淨利應由開平灤州股東平  
分按前項淨利係指餘利除去總局一切經費並下開各款而言

甲 開平礦務有限公司現有債票英金四十六萬磅之六厘利息

乙 灤州礦務公司新債票一百五十萬兩之六厘利息

丙 張蕪謀新債票一百萬兩之六厘利息

丁 行本新債票英金五萬磅之六厘利息

戊 還北洋公款新債票五十萬兩之六厘利息

已 按照以上所開甲乙丙丁戊五項債本總額每年提存五十分之一以  
備購債之用

庚 公積每年按照毛利提百分之十五分或至少英金三萬五千磅此項  
公積應歸兩公司平均承受

四嗣後無論何事如須添招股本或添募債票之時應由兩公司華洋代表用

總局議事部議董名義開會議定其數無論若干應歸兩公司股東平均分  
任所得餘利亦應平分

五開平在英京董事部灤州在天津董事部均各照舊章選舉各管所有股票  
權利事其經費由兩公司各在所得淨利內開支

六總局在天津設一議事部由開平灤州兩公司各舉議董三人會議總局之  
事並隨時將總局辦事情形報告於開灤兩董事部此議事部應有監察總  
局經營事業內一切詳細情形之權會議時以多數決定

七總局營業事宜應在天津設總營業處應由議事部選派總理協理各一人  
總理主持營業一切事宜協理襄助之其緊要各分處應各派華洋正副經  
理此項華員應先儘灤州礦務公司舊人派充

八總局應呈請中國政府派礦務督辦一員隨時監察保護經營之事業並報  
告於中國政府并薪水應由總局支給

九總局各項帳簿單據皆用華英文合璧使開平灤州兩公司中外股東易於稽查每年分二次結帳派中外合格查賬人查核刊布華英文賬略

十總局礦界應以開平灤州兩公司原定立案之礦界爲限礦界之內不准他人開採

十一灤州礦務公司原租灤州礦地公司之地應給之地租餘利均由灤州礦務公司股東付給嗣後總局另辦他項事業仍用灤州礦地公司之地其地租餘利應由總局與灤州礦地公司公平商訂

十二所有應行交納中國國家釐稅報効各項銀兩應與現在開平公司按照舊章所給之數相同無異一俟中國通行中分合辦礦章實行之時總局仍應遵守

十三股東分利滿十五萬磅之後所餘之數先提十五分之一歸直隸與辦實業之用

十四 兩公司聯合時所有有效力之合同約據契券總局均應遵守聯合之日  
兩公司存欠各款應由兩公司各自清理兩公司訂購未到之機器材料應  
由總局接收其未付之價一併由總局付給本合同實行之日起所存之煤  
應歸總局接取

十五 本合同作為草案用華英文合璧彼此兩造代表在天津會同簽字後呈  
請北洋大臣奏咨立案並由中國政府照會駐京英公使查核俟英使覆到  
後再由兩造延聘律師商訂正式合同彼此簽字即由兩公司實行組織  
聯合營業辦法

十六 本合同自奉奏准之日起所有以前未經中國政府批准之案一概取消  
十七 自本各款簽字之日起十年後蘆礦公司應有權利可將開平公司全產  
由兩造商定公道價值贖回

以上各條款均由華文譯英文係兩造協商聯合辦法之大義將來訂立正式

合同時其文義字句尙可協商略爲修正以期完善

開平礦務有限公司代表那 森押

李伯芝押

灤州礦務有限公司代表周緝之押

李世鑑押

見證人薩 敦押

德瑾琳押

宣統三年十二月初九日

西歷一千九百十二年正月二十七號

開灤礦務總局草合同附件

計開

一開平公司擔任招募合同草案第三條所載應需之各項債票並於正式合

同簽字之後從速將各項債票所收之現款分別付給計乙項一百五十萬兩付給灤州礦務公司丙項一百萬兩付給張燕謀丁項五萬磅付給總局戊項五十萬兩呈繳北洋大臣

二合同一經成就後除合同草案第三條所載各項債票外由開灤總局另行從速募集新債票五十萬兩付給灤礦公司現款其還本付息照草案第三條內所募之債票辦法辦理

三前十年內總局之總理開平公司所舉之議事部議董選擇之人經灤州公司所舉議事部董事認可公同任用

四議事部會議如因可否均數不能解決時應由開平灤州兩公司中擔任已發債票占數者所派之議董中推一人加一數以決之

五兩公司於產業上之一切權利均各仍舊享受

六兩公司應承自今以後如未先經天津議事部尤可不得將產業抵押於人

七最後合同簽字後除礦務公司照草案第十七條將開平公司產業購回外

應永遠遵守

八兩公司承允不各自另辦新事如有此項事業應歸總局承辦

九此草合同簽字以後倘各方面有向開礦兩公司要求之事如有一方面不承認了結清楚者此草合同即作爲無效

開平礦務有限公司代表那森押

李伯芝押

灤州礦務有限公司代表周緝之押

李士鑑押

見證人薩敦押

德瑾琳押

宣統三年十二月初九日



西歷一千九百十二年正月二十七日

開灤礦務總局聯合辦理正合同

此合同於西歷一千九百十二年六月初一日所訂立其訂立者此造開平礦務有限公司係遵照英國公司條例組織之公司其註冊辦事處設在倫敦奧斯丁佛拉亞斯街第二十二號門牌

此係稱開平公司此名稱應包括現在之開平礦務公司或其改組之新公司

彼造為灤州礦務有限公司

此係稱灤州公司

茲因意欲除去彼此競爭並發達事業上之經營願使開平灤州兩公司之利益互相聯合

又因為達以上之目的兩造已經約定聯合組織設一聯合機關名曰開灤礦務總局該兩公司之團體及其一切附屬之權利除後文所載另行辦理外均應各自照舊保存

又因以上所言之緣故該兩造已於西歷一千九百十二年正月二十七日

在天津訂立合同草案一件且於同日又立附件一件當由開平公司之代理人兼總經理都司那森代此造簽字又由灤州公司總理周緝之董事李伯芝協理李士鑑代彼造簽字此項合同草案並附件業經呈明中英兩國政府核准在案

又因以達上文所言之目的並載明各條辦法以備將來兩造協同經營各有之事業有所遵循

茲兩造互相約定聲明認此項合同草案並附件以及下開副則作爲該合同草案第十五條內所謂正式合同且此項副則條文應與合同草案並附件作爲一件

此合同係由那森受有西歷一千九百十二年五月初八日蓋用開平公司圖章之全權文憑以開平公司之全權代表資格簽押又由灤州公司蓋用關防並由該公司之總理周緝之董事李伯芝協理李士鑑三人受有正式代表之

權簽押爲憑

以上所言之圖則開列於左

計開

一 中國政府與英國公使已表同情允准開平公司爲遵照此合同辦理將現時開平公司取消另設新公司並按照附件第五條之意將開平公司之權利產業移交於新設之公司

二 合同草案內所言中國通行中外合辦礦章含有已經各國公認之意

三 合同草案及附件及本副則內所載之應付各項應俟上文所言之新公司成立之後能行發出應用債票時再行分別付給現彼此約定此項債票應

由開平濠州兩公司簽字並由開平公司從速擔任發行不得無故遲延

四 所有應發之債票可以用金磅發行此項債票並名爲開濠債票

五 以下所開各款應加入按照合同草案第三條發行債票所募之數此等款

項亦應募集並應於同時按照同一條款辦法辦理

甲 一未定之數以備招募所言發行債票通常之費用兩造之中無論何造爲持債票人之担保簽訂債票並受託契券之一切費用包括在內及購回開平公司現有債票時應付之三厘貼水

乙 該附件第二條內所載之五十萬兩之數

丙 四十萬兩之數爲了結向訂立以上所具合同兩造一切要求之事

六遵照合同草案及附件及本副則發行之各項債票均應作爲平等并應以兩公司所有之各種產業財產作第一次之抵押如開平公司或其新公司爲堅固債票之信用起見爲債票受託人訂立契券或立別項擔保或行他事或照例應爲之事兩公司應分別會同簽押辦理

七依照合同草案第十六條茲特約定聲明以上所具合同一經實行所有以前關於開平蘆州兩公司辦理一切營業之文件與此合同相牴牾者一律

取消

八張燕謀之索償楊善慶之薪水並巡警費老開平公司員司之花紅及中國政府關於主權及他項問題等係該附件等第九條內所言之各項要求均已議結故訂立以上所具合同之兩造特此約定聲明自此合同實行之日起此項議結之事兩造均應承認

開平礦務有限公司代表那 森押

李伯芝押

灤州礦務有限公司代表周緝之押

李士鑑押

見證人 馬尼爾押

甘博士押

中華民國元年 六月初一日

西曆一千九百十二年六月初一日

覆駐滬順直會館董事請提倡收回開灤煤礦函 民國十二年四月三日

逕覆者頃准大札對於收回開灤煤礦諄囑提倡足徵諸公關心桑梓備極熱誠  
本會同人欽佩無似第關於此事本會本屆第二期常會提有專案咨達省署業  
准覆咨妥擬取回辦法本會刻又具文咨催現正努力進行終當發生効力茲附  
呈本會提議開灤煤礦議價贖回案及照抄省長覆咨各一件請即察閱是荷專此  
敬覆祇頌旅祺並祝公安百益

附抄咨稿二件

復財政廳各機關預算分冊暨清單均收訖函 民國十二年四月五日

逕復者案准貴廳函送各機關原造預算分冊六十三本暨清單一紙均照數取訖俟用畢即當歸還以清手續先此佈復即希查照此復

附錄財政廳來函

逕啟者本廳編就民國十二年度直隸省地方歲入歲出預算表冊業經呈送省長轉咨審議在案茲將各機關原送預算分冊各檢一分開具清單備函送上藉便查考即請察入見復仍祈於用畢後送還歸檔至緝公誼此致

計函送清單一紙預算分冊六十三本



覆昌黎縣公署張炳麟病故出缺本會已咨請省長依法遞補函 民國十二

年三月十三日

逕復者准貴署函開案據縣城東南莊公民馬均元呈稱省議會議員張炳麟於陽歷二月二日病故出缺均元係本選區省議員候補當選自應依法序補請轉報等情據此除批示外相應據情函達貴會查照辦理等語准此除據函咨請省長依法遞補外合行函復此致

附錄昌黎縣公署來函

逕啟者云云(原文見前)等情據此除批示外相應據情函達貴會希即查照辦理此致 民國十二年三月一日

致大總統國務院參衆兩院報告開會日期郵電  
民國十一年十一月一日  
北京大總統國務院參議院衆議院鈞鑒本會本屆第二次臨時會業於十月三日閉會茲於十一月一日開常年會謹聞順直省議會叩

致各省督軍省議會省長報告開會日期郵電

民國十一年十一月一日

各省督軍省議會省長鑒本會本屆第二次臨時會業於十月三日閉會茲於十一月一日開常年會議聞順直省議會叩

致兩廣總督 廣東巡按使 廣東按察使 巡閱使報告開會日期郵電 民國十一年十一月一日

兩廣總督 廣東巡按使 廣東按察使 巡閱使鑒本會本屆第二次臨時會業於十月三日閉會茲於十一月一日

開常年會謹聞順直省議會叩

致大總統國務院交通部反對郵件及書籍郵費加價電 民國十一年十一月十一

月四日

大總統國務院交通部均鑒郵件加價妨害交通書籍郵費加倍尤爲文化障礙  
各界反對羣情憤激籲請迅飭郵務局仍照向章施行以息衆怒全國幸甚順直  
省議會支印

附錄交通部覆函

逕啟者接准來電請將郵費仍照向章施行等因查此事業經本部詳晰解釋  
刊登政府公報並送登各報宣佈週知當邀國人諒解茲准前因相應抄錄該

項通告函復查照可也此致 民國十一年十一月十三日

附抄件

關於郵電加價之解釋通告

郵電加價本部應時勢之需要統籌兼顧不得不爾業已將應加理由摘要通

告定於十一月一日施行乃外間不悉內容紛生疑慮甚且以阻碍文化發達爲言實則冥臆虛造未表事實用再詳加解釋爲邦人君子敬告焉

本部所轄郵電事業雖屬國家創辦然實含有營業性質東西各國經營斯政除以本身取人專供自身維持擴充外歲由國庫積極補助以資發展我國郵電自創辦以來國庫並未撥給絲毫資金自身收入因歷年來國內多故時有短絀循致應展線路均因乏款停頓進步甚遲近則生活程度繼長增高人工薪津材料價格十年之後無一不倍蓰於十年以前資本營業兩者支出著著激增現狀維持已多竭蹶再圖發展更託空言本部以政治之設施文化之宣傳均有待於郵電之普及俾作先驅倘故步自封因循玩愒不獨本部自荒厥職亦何以慰舉國人民期望之殷且事業非款不辦人人皆知郵電自身之困難已如上述欲仰給金庫則難俟河清欲抵借外資則慮增國困歐戰以還聯郵及加入電會各國因經濟狀況變遷對於郵電資率均有增加環顧吾國財

力斷難與各國並駕勢非仿行不可在羣衆不過稍增絲毫擔負而郵電事業自可漸有生機力圖發展茲再將郵電十年來變遷情形分述如下

### 一 郵政

甲材料 郵費所用材料以郵票爲大宗近年以來郵票所用之紙料視歐戰前增至四倍之多印刷等費因工價增加亦幾昂貴二倍故十年此項支出竟增至六十一萬七千餘元其他各種材料支出亦達八十三萬二千餘元此材料價格變遷之情形也

乙國內運輸費 查是項二年分支出三十四萬五千餘元十年分支出一百十三萬餘元郵件增多固屬一種原因然運輸之費無不增漲蓋遠省郵件多係雇用驟車運送中間或專設步差若干名薪工極貴近年驟價亦復奇昂例如吉黑郵件自昂昂溪至奇乾河中經大黑河金山鎮倭西門漠河四處每運郵件一公斤需費九角六分而所收郵費祇七分五厘且該郵路常

置步差多名每人辛工月給二十餘元尤多賠累又如貴州一省寄往印刷物所需運費以現行資例計每寄印刷物三千公斤郵局每月即須損失銀元六百元其餘遠省如陝西雲南四川新疆甘肅凡輪路不通者莫不如是而細考寄遞上述各處之印刷物每月計重一萬八千公斤(基羅)之多而其餘十七省則每月總寄遞重量祇有三萬七千公斤(基羅)交通便利文化發達之省分分寄遞印刷品反見減少其故由各書報館自行用他種方法帶運不交郵遞致郵局稍可獲利之省分多被剝奪而邊遠賠累之寄遞反漸增多若非稍加調劑虧累更無紀極此國內運輸費之變遷情形也

內薪費 郵局薪費因歷史上之關係比照海關待遇辦法華洋各員大半久於其任循資給俸支出自必遞加生活程度日高下級人員薪工不能不臨時增益且通都大邑近年逐漸開辦快遞必須特雇差役專事投送故有數處快遞信件本屬無多然爲便利人民計此項專役不能不留支出增加勢



有固然此辦費變遷之情形也

丁辦公費用 此項費用包括房租油炭電燈茶水紙張筆墨在內近年來賈物昂貴無不較前加多故十一年度預算已達二百六十四萬餘元而其中最占鉅額者厥爲房租蓋郵政設局已達二千四百餘處（代辦郵櫃不在內）自蓋房屋祇有七十三處其餘均係租賃業主往往於約滿取回另行遷徙自增臨時費用設或續賃則必以增加賃金爲條件故常有照原賃之額增至數倍者此辦公費用之變遷情形也

戊 國外運輸費 凡寄東西各國信件吾國並無自備郵船故不能不仰給於外船乃近來各國車船運價逐漸增加故郵件運費亦隨增漲且自聯郵寄費規定以金幣結算後較前吃虧故從前支出祇十八萬二千餘元今則已達二十四萬七千餘元設此後金價增漲恐尙不止此此國外運輸費變遷之情形也

以上均郵政支出增漲之事實查九年十月馬得里舉行萬國郵政博議大會各國曾對運費及郵資兩事特別提議增加其理由則以各國現時人工生活及車船雜費在在加重不得不於上述兩項費用酌事增益以資彌補均經表決通過厥後英法日本腦威丹麥瑞典和蘭巴西坎拿大粵斯他利亞印度墨西哥瑞士等國對於郵資均已加增幾較原額一倍吾國所以迫未做辦者蓋希望自身經濟或有轉機耳至於今則種種困難相迫而來已難延宕且此事既無違背郵約之嫌更於撤銷客郵毫不相涉至謂凡書籍報紙可以宣傳文化之具恐因此而生窒礙亦屬片面之詞查自宣統三年以來書價已增至百分之四十郵價自不當長此賠累且據上海郵務長調查報告在滬取寄之書籍總數中僅百分之四十五確有關於教育之用其餘百分之五十五均屬不正當之書籍及有傷風化之小說更不能以低廉之郵費助其發行至報紙寄費祇於邊地略為增加稍資彌補其實郵局尙須賠貼且新聞紙資例低廉最

易發生影射迭據青黑郵務局報告上海天津等處商人常以舊報紙按新聞紙或印刷物資例寄往東三省作為包皮紙張出售牟利並稱吉黑區內舊報紙極爲充斥郵局受極大虧損若防杜此弊起見應另定一較高之資率所以未敢多增者蓋卽爲尊重宣傳文化計也

### 二電政

甲材料 查電報材料分外貨土貨兩種需用最多者(子)木桿徑五寸長二丈八尺者元二年間在漢口採購每根約二兩五錢今則約合二兩八九錢在東三省採購者每根合洋二元五六角今則約合五元五角每根價格之差度平均姑以一元五角計之每年共約用桿十萬根是每年已較前多需十五萬元(丑)鐵線元二年每磅約合洋六分今則漲至洋二角每年約共用二百二十四萬磅以每磅價格差度一角四分計之是每年已較前多費三十一萬三千六百元(寅)鈎碗元二年間每付約合二角一分五厘今則

增至四角四分每付價格差度以二角二分五厘計之每年約共需二十萬  
付是每年已較前多費洋四萬五千元(卯)紙條元二年間每盤約合洋六  
分今則漲至二角每年約需五十萬盤每盤價格差度以一角四分計之是  
每年已較前多費七萬元其餘如機器藍油紙鉛筆墨水以及各種零星鐵  
器無論屬於外貨土貨無不倍增或竟超過數倍此材料價格變遷之情形  
也

乙薪工 電局薪工分局長電生司事匠役工丁五種局長薪水自民二間更  
定後迄今仍舊電生薪水二年間每人每年平均約支二百四十二元五角  
六分至十年每人每年平均約支四百八十七元九角九分以現在電生總  
額約五千五百人計之是較民二已增支七十九萬九千八百餘元司事從  
前規定每月最高者約四十元最低者約十二元今則每人每月平均約三  
十元匠役每月最高者十餘元最低者五元今則每人每月平均約給十元

邊遠之區有給至二十餘元者工丁在民二間平均每人每年支百元今則平均約支百三十元以上三項人額全國約七千人其總增加之數較民二當溢出數十萬元之譜此薪費變遷之情形也

丙經費 電局經費所包括者與郵政之辦公費用同其支出增加之理由亦同故元年間決算僅支六十餘萬元今則支出達九十餘萬元此經費變遷之情形也

就甲乙丙三條所述觀之電政自出之支出既在在激增無可隱諱此次規定同減加一分同省加二分隔省加三分以吾國幅員廣大若先按線路之長短再稽投入資本之確數而後照營業方法推算以定資費之率則須加一倍方有贏利至洋文電報接華文加倍收費原以洋文電每字可包括數字之意加收一倍並不爲多茲舉例如下北京克里扶輪特交涉已畢各方面均甚滿意委員等明日乘車北上愛特華德共三十一字每字收費一角五分共洋四

元六角五分若譯成洋文則爲 (Cleveland Peking Negotiations Completed Everybody Satisfied Delegates Starting Northwards Tomorrow Edwards) 共十一字每字三角共洋三元三角比較華文電費實省洋一元三角五分至加急電費三倍亦係做照各國通例並非獨創綜計以上列舉各節均根據曆屆決算統計加增價目亦係比照列邦現行辦法酌中規定特此通告諸維公鑒

交通部啟十月二十八日

致北京

大總統  
參議院

反對皖省長許世英改選省議會電

民國十一年十一月十三日

北京

大總統  
參議院

均鑒皖長許世英摧殘議會前既延不召集茲復擅令改選侮蔑立法

藐視政府恣意橫行天人共憤籲懇迅即電阻改選嚴議違法之罪幸甚順直省

議會叩元印

復安徽省議會反對皖長許世英改選省議會文 民國十一年十一月十三日

安徽省議會鑒貴會橫遭官禍聞之痛心 敝會 當卽分電大總統參衆院迅阻

令嚴懲官邪其文曰北京 大總統 均蒙皖長許世英摧殘議會前既延不召集茲復

擅令改選侮蔑立法藐視政府恣意橫行大人共憤籲懇迅卽電阻改選嚴議違

法之罪幸甚順直省議會叩元等語理合據實電復并祈堅持到底毋任長此官

燄爲禱順直省議會元印



致熱河都統速交民國十及十一兩年度預算郵電

民國十一年十一月十

七日

熱河都統鑒本會審議預決算職權既甚重要手續亦頗繁雜將來於咨交原案倘有疑問往返咨商動需時日且本會會期止六十日誠恐移交稍遲辦理難期竣事爲此電請貴都統迅將民國十及十一兩年預算尅日造册咨送到會以憑審議至各年決算並希查照續送爲盼順直省議會刪印

致京兆尹速送民國八九十等年度決算十及十一兩年度預算郵電

民國

十一年十一月十七日

京兆尹鑒本會審議預決算案職權既甚重要手續亦頗繁難將來於咨交原案倘有疑問往返咨商動需時日且本會會期止六十日誠恐移交稍遲辦理難期竣事爲此電請貴尹迅將民國八九十等年度決算暨十一年度預算尅日造冊送會以憑審議而重要公無任盼切順直省議會刪印

附錄京兆尹咨復

京兆尹劉 爲咨復事案雜費會刪電內開云云(原文見前)等因准此除令財

政廳迅卽遵照辦理外相應咨復貴會查照此咨 民國十一年十月二十五日

致京兆尹限五日內來會說明發行金庫券詳情郵電 民國十一年十一月

二十一月

北京京兆尹鑒據本會貴區議員報告近日貴區發行一種金庫券爲數四十八萬元利息一分六厘業經令行各縣分別担任實行等情殊堪詫異金庫券卽爲省庫有負擔之契約發行金庫券卽爲省債之募集查省議會暫行法第十六條第四項有議決省債之募集及省庫有負擔之契約等語是發行省債必經省議會議決毫無疑義貴區發行此種金庫券據何項理由用何項手續有何項用途本會莫明真相無憑決議當經臨時動議僉謂亟宜限期電催貴尹儘先將關於此種金庫券之條例及一切卷宗迅速咨送到會並請貴尹自行到會或派員到會說明發行此種金庫券詳情以便依法審議而行本會職權已經多數贊同相應電請貴尹於電到五日內自行來會或派員來會說明并於未來以前先將一切條例案卷咨送到會無任盼禱順直省議會馬印

附錄京兆尹復函

逕復者接准貴議會馬日代電內開云云(原文見前)等因准此自應委派專員親赴貴議會說明一切除由署指派京兆財政廳科長汪貽夔魁日前往外相應檢同一切必要文件函送貴議會請煩查照屆時與該委員接洽爲盼此致  
民國十一年十一月二十七日

計附送案卷一宗

致大總統國務院參衆兩院省長本會迭遭假借順直同鄉會等誣讒擬在

法庭訴追電 民國十一年十一月二十五日

大總統國務院參衆兩院直魯豫巡閱使直隸省長鈞鑒本會不幸迭遭橫逆自今歲七八月間即有假借順直同鄉會或天津團體代表會名義者肆行誣讒本會同人以地方爲重以鄉誼爲重數月以來除依法供職外並未一反惡聲不謂若輩冥頑不靈恣肆益甚今又假借名義手造僞書請願兩院妄冀淆亂視聽破壞成局對此無意識舉動原可置諸不理誠恐局外莫明真相不得不畧事聲明夫選舉舞弊在省會選舉法本有救濟之道原屬司法事項不能任令其他機關妄爲干涉詎伊等因落選之故懷挾私嫌於法庭敗訴之後又在兩院曉曉瀆請查省會爲法定機關其成立與消滅皆以法律爲衡國會受理此項請願亦必依法解決伊等誣讒本會名譽尙擬在法庭訴追想諸公亦必樂爲贊助也順直省會議會叩敬印

致大總統請依法嚴辦羅案電 民國十一年十一月二十五日

北京大總統鈞鑒財羅私簽借款重民負扣納賄瀆職喪權誤國送交法庭訊辦原屬國法應爾奈未聞開審旋即釋放違法縱奸羣情憤惑使非私受賄賂何以承認已消之外債使非內有奧援何以逃出森嚴之法庭使非朋比隱飾何以未經國務會議而有總理批准之通電此中黑幕層層不揭破無以鑒人心倘罪人無罪則國將不國顧懇仍行依法追究辦或組織特別法庭或指令移轉管轄總期打破袒護之門嚴辦賣國之賊毋任奸人翫法法爲勢屈則民國幸甚順直省議會叩徑

致參衆兩院各省議會請依法嚴辦羅案郵電 民國十一年十一月二十五日

北京參衆兩院鑒羅文幹由貴院請總統送交法庭痛快之至忽聞釋放憤懣無似當即致電大總統其文曰北京大總統鈞鑒財羅私簽借款重民負擔納賄贖職喪權誤國送交法庭訊辦原屬國法應爾奈未聞開審旋即釋放違法縱奸羣情憤惑使非私受賄賂何以承認已消之外債使非內有奧援何以逃出森嚴之法庭使非朋比隱飾何以未經國務會議而有總理批准之通電此中黑幕層層不揭破無以墜人心偷罪人無罪則國將不國顧懇仍行依法究辦或組織特別法庭或指令移轉管轄總期打破袒護之門嚴辦賣國之賊毋任奸人執法法爲勢屈則民國幸甚等語相應電達貴院希卽徹底根究堅持毋懈但願貴院盡力行使職權本會誓聯合各省省議會作爲後盾總期罪人斯得有以謝國人不勝翹企之至願直署議會徑印

致大總統國務院參眾兩院各巡閱使各督軍省長省議會本會本屆常會

延期二十日郵電

民國十一年十二月三十日

大總統國務院參眾議院巡閱使各省督軍省長省議會均鑒本會第三屆第二期常年會自十一年十二月三十一日起延長會期二十日至十二年一月十九日止謹聞順直省議會叩



致大總統國務院參眾院各督軍各省長各省議會各報館請一致主張嚴

懲羅文幹等通賄禍國郵電

民國十一年十二月一日

北京大總統國務院參眾兩院各巡閱使各省督軍省長省議會各報館均鑒本  
會前以財長羅文幹私簽借約喪權誤國曾有徑電聲請大總統參眾兩院各省  
省議會一致主張依法嚴辦在案茲復於昨日接得財部漾電假借名義反復聲  
辯憑私臆造掩人耳目其紕謬各點早經曹巡閱使通電駁斥是非昭著情弊顯  
然而其淆惑聽聞巧於掩飾者尤在條件上之利益云云試再闢其謬如該電一  
則曰過期利息週年一分八毫今則減至八厘查原節畧中六項與債利率實爲  
六厘自民國五年間續訂展期付還一百二十三萬餘磅之合同改爲週息八厘  
並無過期利率改爲週息一分八毫之規定現訂合同如云有利當在六厘以下  
今按照與債一部分之改息八厘而將與債全部分之利息一律追認八厘紕謬  
之點一望而知且其所謂九厘者不過民國五年十二月間財部與銀團商酌由

總數內提出本金六萬磅及利息所得積十二萬餘磅共十八萬餘磅而已豈能併總債額概括言之此理甚明安容強混再則曰複利原合同係半年一結現讓爲一年一結查原合同本無複利之規定今訂合同忽爲計算複利層層累進無端驟增負擔至三百餘萬磅之鉅不爲詳細勾稽據理拒駁而僅以半年一結與一年一結囋囋置辯如非利令智昏則財部不乏會計專家羅文幹亦不應昏瞶如此三則曰所得稅原按五六先令合算現按四先令合算查展期合同政府承認應付息款外另行加付息款全數上之金額所得稅例如在倫敦付息時英政府向居住英國之人征收之數等語自宣戰後與敵國停止債務不付息金在有債票權者既無所得有何再納所得稅之可言且既係英國法定稅率詎能聽人自由減讓其所謂減讓者蓋一則因不確定之債權變爲確定二則因尙可有輕利之債權加爲重利三則因無複利之規定計算複利四則因不應拋棄之定銀甘自拋棄試問以所得稅之五六先令讓爲四先令在彼所失幾何在有利幾

柯而猶覲然通電謂有利益何其講張爲幻至於此極耶尤謬妄者展期合同第九款不過謂到期不能交付則過期後奧國公使可商明中國政府派人監理該擔保品而已無所謂管理也今訂合同第八款竟有此項擔保品應由法國公使與義國公使委派第三方面管理等語損害我國固有之主權甘啟外人共管之先例喪心病狂莫此爲甚謂爲賣國雖白口無以自解羅文幹身在法庭本不應與外通電該部公然通電聲辯顯另有串通舞弊主使之入王寵惠忝居閣揆對此顯然昭著之弊端不行查覺不加考慮僅據該部一次咨呈於第二日單獨批准律以共同之行爲尤難狡飾應請大總統查核再將各疆吏各法團指陳各節飭下法庭併案澈究勿縱詭隨幸逃法網國家幸甚順直省議會東印

致大總統國務院參衆兩院直魯豫巡閱使直隸省長報告順直同鄉會誣

贗本會名譽電 民國十一年十二月二日

大總統國務院參衆兩院直魯豫巡閱使直隸省長均鑒本會前以二三無賴假借團體名義誣贗本會名譽捏詞請願兩院冀洩私憤破壞成局曾經電達在案查選舉事務在省議會選舉法訂有明文違法可以提起訴訟無效則以審判確定爲要件誠以落選之人私心不遂未免捏造謠言淆混觀聽究其狂妄之所在不外落選之原因倘不經法庭審判何能辨別直僞憑空臆揣證據何存捏造僞書安能置備今竟舍其正軌妄爲請願之舉希圖以朦混之手段破壞法律之權衡彰彰明甚況本會選舉共十九區初選當選人三千餘人之多提起訴訟者僅止順德一區列名不過兩人而關某一人且有犯罪之事不敢到案又經法庭依法審究其告訴之詞純屬虛僞判以敗訴果有違法情事大多數人名何能不聯名具訴若謂勢力所在不敢出頭直昏庸懦弱之遁詞何足齒數邇思數年以來

奔走國事之在北方者凡我同人孰曾受有危險又孰曾流血殺身本無勢力可言更非虛詞可惑乃竟覲然人而砌詞毀聽其誰欺哉至本會名稱或爲直隸或爲順直既屬行政上之處分謀各區之便宜毫不涉及根本問題又屬本會同人協議無爭之事况區域變更省議會暫行法第五條更說有規定毫無違法之可言譬之國會在北京在廣東爲非常爲正式其義一也孰能執爲口實誣辱嚴民國以法律爲衡凡有舉動不能出乎法制範圍之外詎伊等一二小人懷挾私忿散布流言公然侮辱新刑律訂有專條依法訴追試問伊等何以答辨蓋選舉訴訟爲一事公然侮辱之罪又爲一事不能混同既無術撤消其傳單之確證斷無術脫離此侮辱之罪名鐵案如山恐法曹亦不能曲爲之辨也但本會同人暫時含忍畧示包容不肯遽爲己甚冀其悔改知非倘仍執迷不悟定當據法相繩謹佈區區存爾明教順直省議會叩冬

致參衆兩院爲辯明順直同鄉會誣嫌本會名譽郵電 民國十一年十二月四日

議院均鑒案查 會前以順直同鄉會少數分子假借團體名義污蔑 會請願貴院一事迭經電請依法解決在案頃聞該請願人等施行種種示威運動意在迫脅貴院犧牲正義之主張惟彼莠言之是驅若不揭明真相無以發其伏而摘其奸查該請願人等所持指摘 會理由不外議員指派與議會改名兩節茲就以上二種分甲乙兩項辯明之惟貴院察焉

(甲)該請願書所謂議員指派者提出四證即(一)以曹前省長樣電爲証查樣電所載不過關於選政一切手續夫議員當選以得法定票額爲憑徵論該電並無指派明文即認爲有指派嫌疑而 會議員既係依法票選而來對於選政上手續如何不負何等責任烏得以辦理選舉者手續之規定即誣依法當選者爲指派耶此第一證不足證也(二)以投票者眼見當場出預定之被選人名單囑令照單開姓名填寫爲証查 會議員均係當場依法票選案牘俱在歷歷可徵

不知何謂名單更不知何謂預定無論所謂預定名單無人眼見卽令見之此單究係何狀所列究係何名現在保存何處且何不當場抓獲立與起訴今已事隔經年乃竟托之空言耶莫須有三字烏足以服天下此第二証不足証也(三)以大名順德兩區訴訟爲證夫所舉順德訴訟固誠有之大名訴訟盡屬子虛其憑空捏造將無作有處無辯駁價值姑不具論就順德一處言之控訴人已經敗訴此實足爲議員非指派之證烏得引爲指派議員之証現雖敗訴人纏訴不休然尙未有結果無論敗訴人終歸失敗証據不能充分假令倖勝又安得以一區選舉訴訟遂將全省選舉一律推翻耶此第三証不足証也(四)以各區初選當選人聲明覆選時並未投票相約取一致行動者已達四百餘人爲證查直省初選當選人總數約二千六七百人無論所稱未投票之四百餘人出於捏造卽實有之尙不及總額六分之一且此四百餘人者果因不滿意於選政不肯投票當時儘可依法逕向法院起訴以求救濟何必待之事後妄向該順直同鄉會聲明爲

此無法律根據無意識舉動耶况未投票者既稱四百餘人其有二千數百人投票明矣敬會議員既被多數初選當選人投票選出安得以少數拋棄投票權之故遽誣議員爲指派耶此第四證不足證也以上所舉各證類皆捕風捉影之談其實並無一証足以爲證既不足証直等無証是該請願人等所指摘本會之第一點無成立價值也

乙該請願書以敬會前改直隸名義爲非法其以順直名義爲合法不待言矣敬會現雖俯從習慣恢復順直然平心論之孰是孰非何得何失一經研討當有定評同人不敢就管見所及按諸事實參以法律分晰指陳以供鑒別(一)從事實方面言之省議會之冠以順直也原襲順直諮議局而來既云省矣命爲順直作何解耶順直省議會之名實係沿革上一種錯誤特習而不察耳然在命名之始京兆尙名順天直隸仍領察熱揆之實際原可通融待京察熱與直劃分行政區域既有變更議會名實頓生齟齬因而權限分歧員額無定

因察哈爾選舉區有隸屬山西一部者以致議員總



類伸緒無常與法定額數未能適合

離奇怪誕世界創聞是順直二字早已名存實亡本屆省議會成立直隸議員因感省區議會合組之不便提出分設問題此非僅爲省謀亦兼爲區謀也蓋此種運動特區議員曾有先直隸而發者事實具有在案可稽心理相同概可想見况幾經呈省咨部並非獨斷獨行手續亦無不合卒因情格勢禁只得遷就一時然爲事實便利計何去何從自有公論烏得遽以目前恢復之故遂謂名實相符之直隸名義萬不可存瑕疵累見之順直名義終不宜改豈平情之論哉此就事實論而非非得失之數可以曉然矣(一)從法律方面言之順直字樣載在何法同人譴陋未曾考見至直隸字樣無論一切法典層見疊出卽考之民國元年九月二十五日公布之參議院議決各省第一屆省議會議員名額表及同年十一月二日公布之省議會議員覆選區表亦均以直隸二字標題不見有順直也省議會冠以直隸與冠以順直孰爲合法孰爲非法彼顛倒是非者恐百喙無以自解或謂省議會冠以直隸縱屬合法第議員名額表及覆選區表所謂

直隸者均包有三特別區今改名直隸省議會而獨分出三特區亦有不合查定  
議會暫行法第一條內載省議會設於省行政長官所駐之地等語京察熱三區  
自與直隸劃分後各設有行政長官今以三特區議員均就直隸省議會開會各  
距其行政長官數百里或數千餘里之遙微特行政長官對於議會宣布政見暨  
議員對於行政長官依法質向事實上均有不便卽律以省議會暫行法第一條  
之規定亦顯相抵牾由此觀之省區議會合組爲合法乎抑分設爲合法乎不待  
智者而知也此就法律論是非得失之數可以立判矣按之事實既如彼考之法  
律又如此則是會由順直改名直隸者純係尊重事實恪守法律也復由直隸  
恢復順直者則因格於情勢曲徇習慣也以上種種措置純從良心上主張絕無  
絲毫成見磊落光明可誓天日乃竟以此爲會罪甚無謂也夫變更區域原非  
法律所不許查省議會暫行法第五條內載議員當選後選舉區有變更而任期  
未滿者照舊任職等語是區域無論如何變吏對於已當選議員之職任不受何

等影響烏得以變更區域遽指爲毀法並對於議員個人加訾議哉是該請願人等所指摘本會之第二點毫無理由也

總之該請願人等果爲地方起見不妨提出政見策勵進行同人雖愚敢不自勉乃徒事詆譭橫加挫辱迹其所爲或挾重大仇嫌或存特別希冀故不憚窮其伎倆竭其智能以與會爲敵居心險惡實不可問凡我同人果有讓賢之路敢貽慈棧之譏第念省議會爲全省立法機關繫地方前途則一經破壞政拾爲難安忍邀潔身自好之名貽鼎折錫覆之禍責任所在緘默難安夙仰貴院不惑詖詞主持正義用敢不揣冒昧披瀝直陳卽希鼎力俯予維持賜以援助匪特本會之幸亦地方之福也臨穎無任屏營禱盼之至除具書分致兩院議員同人外特此

奉 聞卽希 公鑒

順直省議會 印

致直魯豫巡閱使直隸省長爲辨明順直同鄉會誣贗本會名譽郵電

民國

十一年十二月六日

直魯豫巡閱使直隸省長鈞鑒本會前以順直同鄉會少數分子假借團體名義誣贗本會請願兩院一事迭經電達在案頃聞該請願人等施行種種示威運動意在迫脅兩院犧牲正義之主張惟彼莠言之是聽若不揭明真相無以發其伏而摘其奸查該請願人等所指摘本會理由不外議員指派與議會改名兩節茲就以上二種分甲乙兩項辯明之惟我

公察焉

(甲)該請願書所謂議員指派者提出四証卽(一)以曹前省長樣電爲証查樣電所載不過關於選政上一切手續夫議員當選以得法定票額爲憑微論該電並無指派明文卽認爲有指派嫌疑而本會議員既係依法票選而來對於選政上手續如何不負何等責任烏得以辦理選舉者手續之規定卽誣依法

當選者爲指派耶此第一證不足証也(二)以投票者眼見當場出預定之被  
選人名單囑令照單開姓名填寫爲證查本會議員均係當場依法票選案牘  
俱在歷歷可徵不知何謂名單更不知何謂預定無論所謂預定名單無人眼  
見卽令見之此單究係何狀所列究係何名現在保存何處且何不當場抓獲  
立與起訴今已事隔經年乃竟托之空言耶莫須有三字烏足以服天下此第  
二証不足證也(三)以大名順德兩區訴訟爲証夫所謂順德訴訟固誠有之  
大名訴訟盡屬子虛其憑空捏造將無作有之處無辯駁價值姑不具論就順  
德一處言之控訴人已經敗訴此實足爲議員非指派之証烏得引爲指派議  
員之証現雖敗訴人纏訴不休然尙未有結果無論敗訴人終歸失敗証據不  
能充分假令幸勝又安得以一區選舉訴訟遂將全省選舉一律推翻耶此第  
三証不足証也(四)以各區初選當選人聲明覆選時並未投票相約取一致  
行動者已達四百餘人爲証查直省初選當選人總數約二千六七百人無論

所稱未投票之四百餘人出於捏造卽實有之尙不及總額六分之一且此四百餘人者果因不滿意於選政不肯投票當時儘可依法逕向法院起訴以求救濟何必待之事後妄向該順直同鄉會聲明爲此無法律根據無意識舉動耶況未投票者既稱四百餘人其有二千數百人投票明矣本會議員既被多數初選當選人投票選出安得以少數拋棄投票權之故遽誣議員爲指派耶此第四証不足証也以上所舉各証類皆捕風捉影之談其實並無一証足以爲証既不足証直等無証是該請願人等所指摘本會之第一點無成立價值也

(乙)該請願書以本會前改直隸名義爲非法其以順直名義爲合法不待言矣本會現雖俯從習慣恢復順直然平心論之孰是孰非何得何失一經研討當有定評同人不敢就管見所及按之事實參以法律分晰指陳以供鑒別

(一)從事實方面言之省議會之冠以順直也原襲順直諮議局而來既云省

矣命爲順直作何解耶順直省議會之名實係沿革上一種錯誤特習而不察耳然在命名之始京兆尙名順天直隸仍領察熱揆之實際原可通融待京察熱與直劃分行政區域既有變更議會名實頗生齟齬因而權限分歧員額無定

（四察哈爾運籌區有隸屬山西一部者以致議區種類伸縮無常與法定類數未能適合）

一離奇怪誕世界創聞是順直二字早已名

存實亡本屆省議會成立直隸議員因感省區議會合組之不便提出分設問題此非僅爲省謀亦兼爲區謀也蓋此種運動特區議員曾有先直隸而發者事實俱在有案可稽心理相同概可想見况幾經呈省咨部並非獨斷獨行手續亦無不合卒因情格勢禁只得遷就一時然爲事實便利計何去何從自有公論焉得遽以目前恢復之故遂謂名實相符之直隸名義萬不可存瑕疵累見之順直名義終不宜改豈平情之論哉此就事實論而是非得失之數可以瞭然矣（二）從法律方面言之順直字樣載在何法同人譴陋未嘗考見至直隸字樣無論一切法典層見疊出卽考之民國元年九月二十五日公布之參

議院議決各省第一屆省議會議員名額表及同年十月二日公布之省議會  
議員覆選區表亦均以直隸二字標題不見有順直也省議會冠以直隸與冠  
以順直孰爲合法孰爲非法彼顛倒是非者恐百喙無以自解或謂省議會冠  
以直隸縱屬合法第議員名額表及覆選區表所謂直隸者均包有三特別區  
今改名直隸省議會而獨分出三特別區亦有不合查省議會暫行法第一條  
內載省議會設於省行政長官所駐之地等語京察熱三區自與直隸劃分後  
各設有行政長官今以三特別區議員均就直隸省議會開會各距其行政長  
官數百里或千餘里之遙微特行政長官對於議會宣布政見暨議員對於行  
政長官依法質問事實上均有不便卽律以省議會暫行法第一條之規定亦  
顯相抵牾由是觀之省區議會合組爲合法乎抑分設爲合法乎不待智者而  
知也此就法律論而是非得失之數可以立判矣按之事實既如彼考之法律  
又如此則是本會由順直改名直隸者純係尊重事實恪守法律也復由直隸



恢復順直者則因格於情勢曲徇習慣也以上種種措置純從良心上主張決無絲毫成見磊落光明可誓天日乃竟以此爲本會罪甚無謂也夫變更區域原非法律所不許查省議會暫行法第五條內載議員當選後選舉區有變更而任期未滿者照舊任職等語是區域無論如何變更對於已當選議員之職任不受何等影響烏得以變更區域遽指爲毀法並對於議員個人加以訾議哉是該請願人等所指摘本會之第二點毫無理由也

總之該請願人等果爲地方起見不妨提出政見策勵進行同人雖愚敢不自勉乃徒事詆譏橫加挫辱迹其所爲或挾重大仇嫌或存特別希冀故不憚窮其伎倆竭其智能以與本會爲敵居心險惡實不可問凡我同人果有讓賢之路敢貽懸棧之譏第念省議會爲全省立法機關繫地方前途利害一經破壞收拾爲難安忍邀潔身自好之名貽鼎折餗覆之禍責任所在緘默難安除電達兩院暨直魯豫巡閱使直隸省長並分致國會議員同人外謹布區區卽希

公鑒順直省議會魚印

順直省議會第三屆第二期常會文牘類要

公電類

二十一

致京兆尹催送十一年度京兆區國家歲出入預算案并八九十等年度決

算案電 民國十一年十二月二十七日

北京京兆尹台鑒前准咨復民國八九十等年度決算案暨十一年度預算案已令財政廳迅即遵照辦理等因迄今多日八九十等年度決算案尙未准咨送其已准咨送之十一年度預算案又僅有地方歲出入一部分國家歲出入一部分尙付闕如以致全部預算本會未能核辦現已閉會在卽誠恐咨送稍遲不及付議合行再電貴尹迅將十一年度京兆區國家歲出入預算案連同八九十等年度決算案一併尅日送會無任盼禱順直省議會有印

附錄京兆尹咨復

京兆尹公署爲咨復事准貴議會感曰快郵代電內開云云(原文見前)等因准此查本區國家歲出入一部分預算案向係由財政部咨經本公署轉飭財政廳編呈送部咨交國會決議歷年均經照辦在案是以前次僅將地方歲出

入一部分預算案咨送貴會此次貴會電囑將十一年度國家預算送會等因  
是否因地方預算付議有待參攷未准來電聲明似未便逕行飭廳編呈轉送  
至八九十年地方決算案已催令財政廳迅速編送據該廳復稱本區地方  
決算案因前任陳廳長於未屆八年度終了卸事李廳長接任查自八年起財  
政漸入困難各項經費未能按月發給而各機關支出計算書亦未能如期造  
送迭經催辦旋於九年年度內九年三月分卽已交卸未及催齊孔廳長接事  
仍因庫賬未經一律登竣以致八九年度決算不及趕辦廳長接任未久代造  
八九十二年度決算係分詳查取入調集計算稽核庫賬三項辦理事隔兩任  
案卷繁多逐款勾稽不得不有需時日容卽漏夜查造送呈等語察核尙屬實  
情除再催令造送咨交外相應咨復卽希查照此咨 民國十二年一月十一日

備京兆尹速送十一年度國家歲出入預算暨八九十等年度決算郵電

民國十二年一月十日

京兆尹鑒貴區八九十等年度決算暨十一年度國家歲出入預算業經本會迭次電催迄未咨送現將閉會實難再延限電到三日內速將上開各項預決算星夜趕送送會以便究結十一年預算案毋悞爲禱順直省議會佳印

附錄京兆尹咨

京兆尹公署 爲咨送事案准貴議會灰日代電內開云云(原文見前)等因准此查此案前准貴議會咸日代電催送決算預算等件當經本署於一月七日咨復查照並准貴議會議員來署接洽聲明催取國家歲出入預算案係備作參考之用等因各在案本署正在飭廳錄呈核轉聞復准代電前因相應檢同財政廳抄送十一年度國家歲出入預算書一份咨送貴議會請即查收以

備參考實緝公誼此咨 民國十二年一月十五日

計咨送十一年度國家歲出入預算書二本

致大總統國務院參眾兩院各巡閱使督軍省長省議會本會本屆常年會

閉會電 民國十二年一月十九日

大總統國務院參議院眾議院直魯豫巡閱使兩湖巡閱使三特別區巡閱使各  
省督軍省長省議會均鑒本會第三屆第二期常年會自十一年十二月三十一  
日起延長會期二十日扣至十二年一月十九日止業經電達在案刻延期已滿  
當即依法閉會謹聞頓直省議會皓印

致大總統國務院請取消龍烟鐵礦抵押借款電 民國十二年一月三十日

北京大總統國務院均鑒頃聞以龍烟鐵礦向日人抵押借款一百六十萬令人髮指查該礦爲直省地方天產卽爲吾中國莫大利源未經法定手續擅向外人抵押借款既斷送國家命脈又剝奪立法職權似此違法賣國吾直誓不承認請立即取消以挽利權無任叩禱順直省議會常駐委員會陷印



通告否認以龍煙鐵礦抵押借款并請一致力爭郵電 民國十二年一月三

十日

參衆兩院各巡閱使各督軍省長各省議會各法團各報館均鑒本會頃致大總統國務院一電其文曰大總統國務院均鑒頃聞以龍煙鐵礦向日人抵押借款一百六十萬令人髮指該礦爲直省地方天產即爲吾中國莫大利源未經法定手續擅向外人抵押既斷送國家命脈又剝奪立法職權似此違法賣國吾直誓不承認請卽取消以挽利權無任叩禱等語千祈一致否認依法力爭曷勝企望  
順直省議會常駐委員會陷印

復雲南唐虞廣四川省議會一致力爭片馬電 民國十二年三月十日

京師總商會四川省議會雲南唐虞廣先生鑒英佔片馬駭人聽聞接讀電目皆欲裂茲致大總統參衆兩院國務院外交部暨各巡閱使督軍省長各省議會各該關各團體一電其文曰片馬改爲緬甸縣治令人髮指何物英人欺我太甚取片馬以通西藏由西藏以窺巴蜀蠶食鯨吞日無全國背盟棄好不恤人言華府會議口血未乾廿年懸案首先破壞又復於重慶內地大肆蠻威鳴槍傷人橫暴無忌人刀俎而我魚肉情何以堪既得隴又復望蜀地其有幾受剝既已切膚欲讓何有餘步伏願執政者持領土保全之義爲民者具匹夫有責之心一體力爭勿稍退避勢力不勝持以公理一國不聽訴諸世界但得世界有公平之人心公理有戰勝之時日則中國片馬決不能成爲英國片馬此敢斷言者膽念邊陲普天同憤人各有心期以義動等語相應電覆仍祈厲接勿任侵越順直省議會常駐委員會青印

覆青島

膠濟鐵路青島  
市自治籌備會

一致爭撤日警郵電 民國十二年三月十日

青島

膠濟鐵路青島  
市自治籌備會

鑒青島交還日警不撤接讀郵電同深憤激茲致大總統參衆兩院國務院外交部暨各巡閱使各督軍省長各省議會各機關各團體一電其文曰青島日警不撤是奪我行政權也政權爲人所奪卽土地非我有也警廳詰責而不顧督辦抗議而不理是蔑視我官吏卽蔑視我政府也彼販賣槍械以爲自由營業我查獲嗎啡而反不許逮捕是擾亂我地方並毒害我人民也况日警與華警同處難免因事起爭國土而國權不行終必授人以柄倘一旦積不相能引起交涉我國毫無把握誠恐青島得而復失將并還我之虛名而亦亡之天下之辱孰有甚於此者倘吾國而甘受天下之辱不慮後患之起視地方人民爲不足護情視政府官吏爲無足輕重不愛土地不顧政權則日警自可聽其不撤青島似亦可以不必收回既務收回之名又行放棄之實吾人具有天良此心豈能自安伏望政府當局嚴重交涉全國人民起爲後盾凜養虎遺患之戒爲沈舟破釜

之爭爭之於日公使爭之於日政府並爭之於華盛頓等和平之會議一方不能  
爭則多方以爭之口舌不能爭則鐵血以爭之終必使吾青島無一日警蹤跡而  
後已凡有血氣應同休戚爲國雪耻義無反顧一致力爭無任叩禱等語相應電  
復仍祈就近力爭毋懈順直省議會常駐委員會青印

請一致主張收回旅大郵電 中華民國十二年三月十日

北京大總統參議院衆議院國務院外交部檢閱使各巡閱使各省督軍督理都  
統省長各省議會商會農會教育會各機關各團體各報館均鑒旅大租借際屆  
期滿本年三月二十六日卽爲日本無條件交還旅大之時舉國上下引領注目  
務望政府妥籌接收嚴與交涉遠據中日條約近據華府議案本保持領土之主  
義履期滿歸還之信約時至不取噬臍何及事或不利後盾具在尤願國人竭盡  
羣策羣力恢復國土國權勿讓勿餒以始以終旅大收回當不在遠各自淬厲無  
住翹企順直省議會常駐委員會青印

復 中華留日學生旅大收回後援會 一致爭回旅大電 民國十二年三月十日

吉林省教育會中華留日學生旅大收回後援會鑒旅大交涉甚爲緊要接奉來函情深向往 本會頃致大總統參衆兩院國務院外交部暨各巡閱使督軍省長各省議會各機關各團體一電其文曰旅大租借屆期滿本年三月二十六日卽爲日本無條件交還旅大之時舉國上下引領注目務望政府妥籌接收嚴與交涉遠據中日條約近據華府議案本保持領土之主義履期滿歸還之信約時至不取噬臍何及事或不利後盾具在尤願國人竭盡羣策羣力恢復國土國權勿讓勿餒以始以終旅大收回當不在遠各自淬厲無任翹企等語相應電覆并祈多方鼓吹堅持毋懈順直省議會常駐委員會青印

請一致主張收回底大郵電 中華民國十二年三月十日

北京大總統參議院衆議院國務院外交部檢閱使各巡閱使各省督軍督理都  
統省長各省議會商會農會教育會各機關各團體各報館均鑒旅大租借瞬息  
期滿本年三月二十六日卽爲日本無條件交還旅大之時舉國上下引領注目  
務望政府妥籌接收嚴與交涉遠據中日條約近據華府議案本保持領土之主  
義履期滿歸還之信約時至不取噬臍何及事或不利後盾具在尤願國人竭盡  
羣策羣力恢復國土國權勿讓勿餒以始以終旅大取回當不在遠各自淬厲無  
住翹企順直省議會常駐委員會青印

復 中華留日學生旅大收回後援會 一致爭回旅大電 民國十二年三月十日

吉林省教育會中華留日學生旅大收回後援會鑒旅大交涉甚爲緊要接奉來函情深向往 本會頃致大總統參衆兩院國務院外交部暨各巡閱使督軍省長 各省議會各機關各團體一電其文曰旅大租借屆期滿本年三月二十六日卽爲日本無條件交還旅大之時舉國上下引領注目務望政府妥籌接收嚴與交涉遠據中日條約近據華府議案本保持領土之主義履期滿歸還之信約時至不取噬臍何及事或不利後盾具在尤願國人竭盡羣策羣力恢復國土國權勿讓勿餒以始以終旅大收回當不在遠各自淬厲無任翹企等語相應電覆并祈多方鼓吹堅持毋懈順直省議會常駐委員會青印



請力爭青島撤退日警郵電 民國十二年三月十日

北京大總統參議院衆議院國務院外交部檢閱使各巡閱使各省督軍督理都  
統省長各省議會商會農會教育會各機關各團體各報館均鑒青島日警不撤  
是奪我行政權也政權爲人所奪卽土地非我有也警廳詰責而不顧督辦抗議  
而不理是蔑視我官吏卽蔑視我政府也彼販賣槍械以爲自由營業我查獲贖  
啡而反不許逮捕是擾亂我地方並毒害我人民也況日警與華警同處不惟主  
權抵觸且難免因事起爭國土而國權不行又終必授人以柄倘一旦積不相能  
引起交涉我國毫無把握誠恐青島得而復失將并還我之虛名而亦亡之天下  
之辱孰有甚於此者倘吾國而甘受天下之辱不慮後患之起視地方人民爲不  
足護惜視政府官吏爲無足輕重不愛土地不顧政權則日警自可聽其不撤青  
島似亦可以不必收回既務收回之名又行放棄之實吾人具有天良此心豈能  
自安伏望政府當局嚴重交涉全國人民起爲後盾凜養虎遺患之戒爲沈舟破

釜之爭爭之於日公使爭之於日政府並爭之於華盛頓等和平之會議一方不能爭則多方以爭之口舌不能爭則鐵血以爭之終必使吾青島無一日警蹤跡而後已凡有血氣應同休戚爲國雪恥義無反顧一致力爭無任叩禱順直省議會常駐委員會青印

通告全國力爭片馬郵電 民國十二年三月十日

北京大總統參議院衆議院外交部檢閱使各巡閱使各省督軍督理省長都統  
各省議會農會商會教育會各機關各團體各報館均鑒片馬改爲緬甸縣治令  
人髮指何物英人欺我太甚取片馬以通西藏由西藏以窺巴蜀蠶食鯨吞目無  
全國背盟棄好不恤人言華府會議口血未乾廿年懸案首先破壞又復於重慶  
內地大肆蠻威鳴槍傷人暴橫無忌人刀俎而我魚肉情何以堪既得隴又復望  
蜀地其有幾受剝既已切膚欲讓何有餘步伏願執政者持領土保全之義爲民  
者具匹夫有責之心一體力爭勿稍退避勢力不勝持以公理一國不聽訴諸世  
界但得世界有公平之人心公理有戰勝之時日則中國片馬決不能成爲英國  
片馬此敢斷言者膽念邊陲普天同憤人各有心期以義動順直省議會常駐委

員會青印

力爭廢止二十一條通電 民國十二年三月十七日

大總統國務院參衆兩院馮檢閱使各巡閱使各省督軍督理各省長各都統各省議會商會農會教育會各機關各團體各報館均鑒二十一條懸爲國恥四萬萬人疾首痛心含垢忍尤於茲九年幸我國會議決無效外部業已照會日本聲明全部廢止奈日人蠻橫強行拒絕各報傳聞令人皆裂國不自由民無寧死黃炎子孫豈終奴隸千祈全國上下一體力爭雪恥復權在此一舉投袂而起其勿反顧順直省議會常駐委員會銑印

致各縣力爭廢止二十一條郵電 民國十二年三月十七日

各縣縣長自治預備會長勸學所長財政所長勸業所長教育會長商會會長各學校各機關各團體均鑒本會銑日致大總統國務院參衆兩院馮檢閱使各省督軍省長都統各省議會商會農會各機關各團體一電其文曰二十一條懸爲國恥四萬萬人疾首痛心含垢忍尤於茲九年幸我國會議決無效外部業已照會日本聲明全部廢止奈日人蠻橫強行拒絕各報傳聞令人皆裂國不自由民無寧死黃炎子孫豈終奴隸千祈全國上下一體力爭雪恥復權在此一舉投袂而起其勿反顧等語相應電請尊處廣爲傳佈鼓我民氣爭我國權表示同仇之心攻破勍敵之胆羣起奮鬥無任引領順直省議會常駐委員銑印

反對金佛郎通電

民國十二年三月二十七日

北京大總統參衆兩院各巡閱使各督軍省長督理都統各省省議會教育會商會農會各法團各報館均鑒以金佛郎付給法國部分庚子賠款不惟無端增重國庫負擔且易引起債權國藉詞要挾乃政府不此之察竟曲循法使之請貿然承諾致國家名享利益隱受損失倘不急起直追國將不國萬懇各方一致協努力圖挽救臨電無任翹企順直省議會常駐委員會有印

